

რეგიონული ფორმატის სამუშაო შეხვედრა ქობულეთში



დედოფლისწყაროს მუნიციპალიტეტის მერი ნიკოლოზ ჯანაშვილი საქართველოს ადგილობრივ თვითმმართველობათა ეროვნული ასოციაციის (ათეა) სამართლებრივ საკითხთა კომიტეტის რეგიონული ფორმატის სამუშაო შეხვედრას დაესწრო.

ნიკოლოზ ჯანაშვილი აღნიშნული კომიტეტის წევრია. შეხვედრა ქობულეთის მუნიციპალიტეტში გაიმართა.

შეხვედრის ძირითადი მიზანი იყო მუნიციპალიტეტებში არსებული სამართ-

ლებრივი გამოწვევების ანალიზი და იმ საკითხების იდენტიფიცირება, რომლებიც საჭიროებს სისტემურ მიდგომას და საკანონმდებლო დონეზე რეაგირებას.

დისკუსიების ფარგლებში გამოიკვეთა რიგი საჭიროებები, მათ შორის - ქონების მართვა, ბუნებრივი რესურსების გამოყენება, სოციალურ და ჯანდაცვის სფეროში მომსახურების ხელმისაწვდომობა, ასევე მუნიციპალიტეტებში საჯარო სამსახურის სპეციფიკის რეგულირების აუცილებლობა.

გია ბენაშვილი — დედოფლისწყაროს დელეგატი

მას შემდეგ, რაც დავით სონღულაშვილი გარემოს დაცვისა და სოფლის მეურნეობის მინისტრად დაინიშნა, პარლამენტის წევრის მანდატი შეუწყდა. ის ასევე იყო გურჯაანის, დედოფლისწყაროს, სიღნაღისა და საგარეჯოს სამაჟორიტარო ოლქის დელეგატი. სონღულაშვილის მინისტრთა კაბინეტში გადასვლის შემდეგ ჩვენი ოლგი დელეგატის გარეშე დარჩა.

როგორც „შირაქმა“ გაარკვია, დედოფლისწყაროს დელეგატის ფუნქციას შეითავსებს პარლამენტის წევრი გია ბენაშვილი. ის საკანონმდებლო ორგანოში 2016 წლიდან „ქართული ოცნების“ პარტიული სიით მოხვდა. ამჟამად არის თავდაცვისა და უშიშროების კომიტეტის თავმჯდომარის მოადგილე და ფრაქცია „ქართული ოცნების“ წევრი. ის IX და X მოწვევის პარლამენტის წევრიც იყო.

დედოფლისწყაროს მერიის შენობის მეორე სართულზე კვლავაც მოქმედებს დელეგატის ადგილობრივი ბიურო, რომელიც კვლავაც ჩვეულ რეჟიმში აგრძელებს მოქალაქეთა მიღებას.

გია ბენაშვილი 1964 წელს დაიბადა,



1986 წელს დაამთავრა პოლიტექნიკური ინსტიტუტი სპეციალობით: საინჟინერო-მაციო საზომი ტექნიკა. 1997 წელს კი თბილისის იურიდიული ინსტიტუტის სამართალმცოდნეობის ფაკულტეტი. მუშაობდა საბაჟო დეპარტამენტის თავმჯდომარის მოადგილედ, ფინანსთა სამინისტროს გენერალური ინსპექციის უფროსად, კერძო კომპანიების უსაფრთხოების სამსახურის უფროსად, 2014 წლიდან „ყაზტრანსგაზის“ სპეციალური მმართველი, 2015 წლიდან კი გაზის ტრანსპორტირების კომპანიის გენერალური დირექტორი. **შირაქი**

დედოფლისწყაროში ლეიშმანიოზის მეორე შემთხვევა არ დადასტურდა

დედოფლისწყაროში ლეიშმანიოზის ადამიანში გამოვლენის მეორე შემთხვევა არ დადასტურდა. სოფელ სამთაწყაროში დასნებოვნებულ ცხოველთან კონტაქტირებულ გოგონას ინფექცია არ აღმოაჩნდა. დედოფლისწყაროს საზოგადოებრივი ჯანდაცვის ცენტრში ამბობენ, რომ დაავადებულ ძაღლთან კონტაქტში მყოფი ოჯახის წევრი დაბოროტორიულად გადამოწმდა და საბედნიეროდ ინფიცირება არ მომხდარა.

ამ შემთხვევისგან განსხვავებით რამდენიმე თვის წინ ქ. დედოფლისწყაროში ლეიშმანიოზის ადამიანში გამოვლენის ერთი შემთხვევა აღრიცხული. ინფიცირებულ პირს

შესაბამისი მკურნალობა დაენიშნა. დედოფლისწყაროს მთავარი ეპიდემიოლოგის, ლალი ალადაშვილის განმარტებით, წელს ლეიშმანიოზის მხოლოდ ერთი შემთხვევა გამოვლინდა.

სურსათის ეროვნული სააგენტოს დედოფლისწყაროს ფილიალში ამ შემთხვევების შესახებ ინფორმაცია არ აქვთ.

ვეტერინარები კი ოთხფეხა მეგობრების პატრონებს ურჩევენ, ძაღლის დაინფიცირების შემთხვევაში ცხოველის დაძინებაზე იფიქრონ, რადგან ეს ინფექცია არ ინკურნება და საფრთხეს უქმნის როგორც შორიანხლოს მცხოვრებ ცხოველებს, ისე ადამიანებს. **შირაქი**

მაჩხაანელი სპორტსმენები არ თმობენ ლიდერობას



3 მაისს ალვანში გაიმართა აახათის რაიონის ღია ჩემპიონატი კიკ-ბოქსინგში, სადაც მონაწილეობდნენ აახათის რაიონის გუნდები. ჩატარდა ფართომასშტაბიანი ჩემპიონატი, რომელმაც მთელი აახათი მოიცვა.

ტურნირში ასამდე სპორტსმენი მონაწილეობდა. ზემო მოჩხაანის გუნდმა „ზაქებმა“ ტურნირზე საუკეთესო შედეგი აჩვენა. შეჯიბრში პირველი ადგილის მფლობელები გახდნენ სპორტსმენები, რომლებმაც დროზე ადრე დაამთავრეს შეხვედრა და გაიმარჯვეს ტექნიკური ნოკაუტით. ესენი არიან: ნიკა ჯაბაშვილი (68 კგ, წონითი კატეგორია, დაბადებული 2009 წ.); საბა ნატროშვილი (დაბადებული 2011 წ. 40 კგ. წონითი კატეგორია); მარიამ ჯაბაშვილი (დაბადებული 2011 წ. 54 კგ. წონითი კატეგორია). გუნდის მწვრთნელი გენადი ნატროშვილი.

„ნაბიჯი ლოგიკური და კრიტიკული აზროვნებისკენ“



2025 წლის 5 მაისს, დედოფლისწყაროს მუნიციპალიტეტის სოფელ სამთაწყაროს საჯარო სკოლაში ჩატარდა ინტელექტუალურ-შემეცნებითი ხასიათის ვიქტორინა საბაზო და საშუალო საფეხურის მოსწავლეებისთვის. ღონისძიება შედგა ქართული ენისა და ლიტერატურის მასწავლებლის, ქალბატონი თამილა ნადირაშვილის, ინგლისური ენის მასწავლებლის, ქალბატონი ნინო გელაშვილისა და გეოგრაფიის მასწავლებლის, ქალბატონი ნანა გახოკიძის ორგანიზებითა და ხელმძღვანელობით.

ვიქტორინა მოიცავდა სამ საგანს: ქართული ენა და ლიტერატურა, გეოგრაფია და ინგლისური ენა.

ღონისძიების მთავარი მიზანი იყო მოსწავლეებში ინტელექტუალური დონის ამაღლება, სწავლა-სწავლების პროცესის ხელშეწყობა და ისეთი უნარების განვითარება, როგორებიცაა ლოგიკური, კრიტიკული, მიზეზ-შედეგობრივი და თანმიმდევრული აზროვნება. ამასთან, მნიშვნელოვანი იყო მოსწავლეებში შინაგანი მოტივაციის გაღვივება და საგნებისადმი ინტერესის გაზრდა.

ვიქტორინა გაიმართა პრეზენტაციის ფორმატში და გამოირჩეოდა ორგანიზებულიობითა და აქტიური მონაწილეობით. მოსწავლეები დიდი მონდომებითა და ინტერესით ჩაერთვნენ შეჯიბრებაში, რაც საგრძნობლად ზრდიდა ღონისძიების განათლებით ღირებულებას.

ღონისძიებას ჰყავდა კომპეტენტური ჟიური: ისტორიის მასწავლებელი ბატონი ფრიდონ საკანელაშვილი, საქმისმწარ-

მოებელი ქალბატონი ქეთევან ხუციშვილი და სკოლის დირექტორი ქალბატონი ეკატერინე ჩიტაური.

შეჯიბრების შედეგებით გამოვლინდა გამარჯვებულები:

• I ადგილი - X კლასის მოსწავლე ნიკოლოზ სარდალაშვილი

• II ადგილი - VIII კლასის მოსწავლე სოფია სარდალაშვილი

• III ადგილი - X კლასის მოსწავლეები სალომე სარდალაშვილი და ნიკა შაინიძე (ერთობლივად).

დასასრულს, სკოლის დირექტორმა, ქალბატონმა ეკატერინე ჩიტაურმა, გამარჯვებულებს გადასცა დიპლომები, ხოლო მონაწილე ყველა მოსწავლეს - სიგელები. ღონისძიების ორგანიზატორ მასწავლებლებს გადაეცათ მადლობის სიგელები გამოჩენილი პროფესიონალიზმისა და აქტიური ჩართულობისთვის.

ვიქტორინას ესწრებოდნენ სკოლის დირექცია, დირექტორის მოადგილე ქალბატონი ელენე გრიგორიადი, მასწავლებლები და მოსწავლეები.

ღონისძიებამ დიდი მონონება დაიმსახურა დამსწრე საზოგადოების მხრიდან.

დირექტორმა და მოადგილემ მადლობა გადაუხადეს, როგორც მონაწილეებს, ასევე ორგანიზატორებს და გამარჯვებულებს წარმატება მიულოცეს. მასწავლებლებმაც დადებითად შეაფასეს ვიქტორინის შინაარსი, ფორმატი და მთაბეჭდილება, რომელიც მან დატოვა მოსწავლეებზე.

ღონისძიება არამხოლოდ ცოდნისა და აზროვნების გამოკვეთით, არამედ საერთო მოტივაციის ამაღლებითა და სასწავლო პროცესის გააქტიურებითაც გამოირჩეოდა.

„გაჯანსაღება ჩემი არჩევანია“



6 მაისს, მოსწავლე-ახალგაზრდობის სახლში გაიმართა პრეზენტაცია - „განსალი ცხოვრების წესი“ - „გაჯანსაღება ჩემი არჩევანია“.

ღონისძიებას ესწრებოდნენ სოფელ ხორნაბუჯის საჯარო სკოლისა და მეფე გიორგი გორგასლის სახელობის სკოლა-ინტერნატის მე-7 და მე-8 კლასის მოსწავლეები, საბრძოლო სპორტის უშუ-სანდას სპორტსმენები, (მწვრთნელი ლუკა პოპიაშვილი), ა.(ა).პ.კულტურის, სპორტისა და ახალგაზრდობის ცენტრის თანამშრომლები.

გაიმართა დებატები დამსწრე საზოგადოებას შორის.

დასკვნითი სიტყვით გამოვიდა ცენტრის დირექტორი დოდო ხუნაშვილი და უშუ სანდას მწვრთნელი ლუკა პოპიაშვილი.

პრეზენტაცია წარადგინეს სოფელ ხორნაბუჯის საჯარო სკოლის მოსწავლეებმა ლალა ჩოფიკაშვილმა და ლიკა ჯინაშვილმა.

ღონისძიება მოამზადა ცენტრის სპეციალისტმა ახალგაზრდობის საკითხებში ნინო ალადაშვილმა.



ბაქსელიდან-დედოფლისწყაროდ

ჩემი ჰოლანდიელი და



ამ სახლში მალავდნენ ილია ბეგიაშვილს

/დასაწყისი პირველი გვერდიდან/

ეს ის ავტობიოგრაფია იყო, რითაც ომი გადაიხადეს და მტერსაც და მოყვარესაც თავიანთი კაცური კაცობა დაუმტკიცეს. უმეტესობას ჯერ კიდევ მოუშუშებული ჭრილობები ანუხებდა, გემის ბაქანზე დიდხანს დგომა არ შეეძლო, მაგრამ მაინც იდგა, თვალს დევნებდა ნაპირს, თანდათან რომ შორდებოდათ, მესხიერებაში სამუდამოდ იბეჭდებოდა კუნძულს, ოთხწყალშუა მოქცეულ მწვანე ოაზისს, რომლის ნიაღვრის, მშობლიური ეზო-ყურიდან ცხრა მთასა და ცხრა ზღვის გადაღმა, ხუთას ოცდაორმა ჯარისკაცმა ჰპოვა სამუდამო განსასვენებელი“.

ბრძოლა ტექსელზე 1945 წლის 6 აპრილს დაიწყო და 20 მაისამდე, კანადის ჯარის ჩასვლამდე გაგრძელდა. უცნაური ის იყო, რომ ჯარისკაცებს ორივე მხრიდან ერთნაირი უნიფორმა ეცვათ. ერთ

მხარეს ქართველები (მეტწილად საბჭოთა, ბრძოლის ველზე დატყვევებული ჯარისკაცები ვერმანტის 822-ე აღმოსავლეთის ბატალიონიდან), ხოლო მათი მოწინააღმდეგეები იყვნენ გერმანელი ჯარისკაცები, რომელთაც 6 აპრილის დილის საათებამდე ქართველები ერთგულ მებრძოლებად მიაჩნდათ.

როგორც ნიგნის ავტორი,ერიკ ლი წერს, მათ შორის ასევე იყვნენ ის ჰოლანდიელები, რომელთაც თავიდან ჩათვალეს, რომ კუნძული მოკავშირეთა ძალების მიერ იყო გათავისუფლებული, მაგრამ მალე ისინიც ამ სისხლიანი ორთაბრძოლის ნაწილი გახდნენ, რომელსაც ათობით სამოქალაქო პირის, მათ შორის, ბავშვების სიცოცხლეც შეენირა.

1944 წლის აპრილში, როცა ტექსელის აჯანყებამდე ერთი წელი იყო დარჩენილი, აჯანყების ორგანიზატორებმა შალვა ლოლაძემ, სერგი გუჯაბიძემ და ევგენი არტემიძემ ჰოლანდიური წინააღმდეგობის ძალებთან კონტაქტი დაამყარეს.

ომი დასასრულს უახლოვდებოდა და

ალარც ელოდნენ, რომ აჯანყება მოხდებოდა. ყველა ფიქრობდა, რომ გერმანელები კაპიტულაციას გამოაცხადებდნენ და მათი ჯარისკაცები შინ დაბრუნდებოდნენ, ჰოლანდიელები კი მშვიდად განაგრძობდნენ ცხოვრებას.

„მაგრამ ასეთი მოახლოებული რეალობა მისაღები იყო ყველასთვის 822-ე ბატალიონის გარდა. იმიტომ, რომ მათთვის ომის დასრულება სახლში დაბრუნებას სულაც არ ნიშნავდა - მათ იცოდნენ, რომ სტალინის ორჯერ ჰქონდა მათთვის გამოტანილი განაჩენი - ერთხელ იმ ბრძანებით, რომელიც ჯარისკაცს მტრის ხელში ცოცხლად ჩავარდნას უკრძალავდა და მეორედ - მტრის უნიფორმის ჩაცმისა და ომის დროს ნაცისტებთან თანამშრომლობისთვის - დაბრუნების შემთხვევაში მათ შეწყალების მიმედი არ უნდა ჰქონოდათ“, - წერს ერიკ ლი.

ევგენი არტემიძე იხსენებდა:

„გერმანელებმა გადაწყვიტეს, ჩვენი ბატალიონის ნახევარი ფრონტზე გაეგზავნათ, ნახევარი კი ტექსელზე დაეტოვებინათ, და თუ ქართველები გერმანელებს უღალა-



ტებდნენ და ბრიტანელების მხარეზე გადავიდნენ, ისინი ტექსელზე ქართველებს დახოცავდნენ... გადაწყვეტილი, რომ საერთო მიზნისთვის სიკვდილი სჯობდა: გერმანელების წინააღმდეგ უნდა აჯანყებულიყავით. თუ და-ვიხოცებოდით, დე, ასე ყოფილიყო. თუ გადავრჩებოდით, საბჭოთა კავშირისადმი ერთგული ჯარისკაცების სახელი გვექნებოდა“.

ქართველები კი კუნძულზე საკუთარი თავის იმედად დარჩნენ და პარტიზანულ ბრძოლაზე გადავიდნენ. ზოგიერთი მათგანი ჰოლანდიელებთან აფარებდა თავს. ასეთი იყო, მაგალითად, ევგენი არტემიძე.

ერიკ ლი ამ ნიშნში გვიზიარებს ერთი ჰოლანდიელი ქალის მოგონებას:

„ერთხელ გვითხრეს, „ხვალ აქ ვილაცას მოვიყვანთ“. რომ მოვიყვანეს, არტემიძე გამოდგა. მამაჩემმა თქვა: ამ კაცს რა მოეუხერხბო? მანამდე ღორი დაგვკალით და შესანახად ქილებში ჩავანყვეთ. სათივებო კი პატარა ოთახივით ღიობი დარჩა, ის ღორი იქ ცხოვრობდა. ზუსტად იქით ნაიყვანეს არტემიძე, იქ, სადაც ღორი ცხოვრობდა“.

იმ 8000 ქართველიდან, რომლებიც გერმანიის არმიამ მსახურობდნენ, ნაწილი გულაგებში გააგზავნეს, მცირე ნაწილმა შეძლო სხვა ქვეყნებში თავშესაფრის მიღება. ტექსელის ბრძოლებს გადარჩენილები ილზიანები გამოდგნენ, წერს ერიკ ლი, ისინი არ დაუხვრევიათ. ზოგი დროებით გადაასახლეს.

ნიგნის ავტორის სიტყვებით, შესაძლოა, ვერც ვერასდროს გავიგოთ, როგორ გადაურჩნენ ტექსელის ქართველები დასჯას, მაგრამ მათ შესახებ მითების შექმნის პროცესი რომ მანამდე დაიწყო, სანამ მათ კუნძულიდან გაამგზავრებდნენ, ეს კი ნამდვილად ვიცითო, - ამბობს ავტორი.

ინგა შიოლაშვილი

ელზა ხარაშვილი

დემოგრაფიული მდგომარეობა დედოფლისწყაროში

2024 წლის განმავლობაში დედოფლისწყაროს მუნიციპალიტეტში 170 ახალშობილი დაიბადა. ოფიციალური სტატისტიკის თანახმად, რომელიც „საქსტატმა“ მოგვანოდა, გასულ წელს ქალაქ დედოფლისწყაროში რეგისტრირებული 58 ბავშვი დაიბადა, ხოლო სოფლებში 112. აქედან 74 მამრობითია, 96 მდედრობითი. ეს ციფრები ასახავს მხოლოდ იმ ახალშობილების რაოდენობას, რომლების საცხოვრებელი მისამართიც ოფიციალურად დედოფლისწყაროს მუნიციპალიტეტია. სტატისტიკაში ექვევა სხვა ქალაქების სამშობიაროში დაბადებული ჩვილებიც, რომელთა მშობლებიც დედოფლისწყაროში ცხოვრობენ.

იმავ სტატისტიკის მიხედვით, ასეთი დაბალი შობადობა მრავალი წელია არ ყოფილა. ჩვენს მუნიციპალიტეტში შობადობა ყოველთვის 200-ს ახალშობილს აღემატებოდა და უფრო ნაკლები ბოლო 20 წლის განმავლობაში არ აღრიცხულა. 2014-15 წლებში კი ცოცხლად დაბადებულთა რიცხვი 350-მდე გაიზარდა, რაც ყველაზე მაღალი მაჩვენებელია.

შემცირებული შობადობით გამოირჩეოდა 2023 წელიც, სადაც მხოლოდ 193 ახალშობილია აღრიცხული. აქედან 73 ქალაქ დედოფლისწყაროში დაიბადა, 120 კი მუნიციპალიტეტის სოფლებში. მათ შორის 99 ბიჭი, 94 გოგო. დანარჩენ წლებში შობადობის მაჩვენებელი 200-დან 350-მდე მერყეობს.

სახელმწიფო სტატისტიკის სამსახურის მიერ დათვლილია შობადობის კოეფიციენტი 1000 მოსახლეზე გაანგარიშებით. 2024 წელს შობადობის კოეფიციენტი 8,5; 2023-ში - 9,5; 2022 წელს - 10,5; 2021 - 10,6; 2020 - 11,0. ბოლო ოცი წლის განმავლობაში მაღალი კოეფიციენტი 2014-15 წლებში და ამან 16,3 შეადგინა.

ბოლო სამი წლის განმავლობაში დედოფლისწყაროში საერთოდ არ დაფიქსირებულა მკვდრადშობიარობის სტატისტიკა. უკანასკნელი შემთხვევები 2020 წელს იყო, როცა მკვდრადშობის 5 შემთხვევა გამოვლინდა, ხოლო 2021

წელს — 5; 2017 წელს — 5; 2015 — 6; 2014 — 4; 2012 — 5; 2011 - 4; 2010 - 7.

გადავხედოთ ოფიციალურად რეგისტრირებული ქორწინებებისა და განქორწინებების მაჩვენებელსაც. 2024 წელს ოფიციალურად რეგისტრირებულია 126 ქორწინება, საიდანაც 26 ქალაქ დედოფლისწყაროში, 100 კი სხვა სოფლებში დასახლებულები აღრიცხულნი. 2023 წელს 102 ქორწინება დაფიქსირდა, საიდანაც 26 ქალაქში, 76 კი სოფლებშია აღწერილი. ამდენად, გასულ წელს, წინა წელთან შედარებით ქორწინების მატებაა.

ქორწინების მაღალი მაჩვენებლით გამოირჩეობდა 2014 წლის სტატისტიკა, რა დროსაც 218 ქორწინებაა დაფიქსირებული, 68 კი. დედოფლისწყაროში, 150 სოფლებში. მაღალი მაჩვენებელი იყო 2013 წელსაც, სადაც 216 ქორწინება დარეგისტრირდა, 56 ქალაქში, 160 კი სოფლად. ქორწინების ყველაზე დაბალი მაჩვენებელი 2020 წელს დაფიქსირდა, რაც ძირითადად კოვიდპანდემიით და საყოველთაო ჩაკეტილობითა გამოწვეული. მაშინ სერვისების ხელმისაწვდომობა შეზღუდული იყო. 2020 წელს დედოფლისწყაროს მუნიციპალიტეტში 90 ქორწინებაა დაფიქსირებული, საიდანაც 27 ქალაქში, 63 კი სოფლებშია.

თუკი ქორწინების კოეფიციენტი 10 წლის წინ დედოფლისწყაროში 1000 კაცზე გაანგარიშებით 10,2 იყო, 2024 წელს კოეფიციენტი 6,3-მდე შემცირდა, 2023 წელს კი 5,0-მდე. 2024 წელს 60 წლის ასაკს გადაცილებულთა ქორწინების რაოდენობა 5 აკცია, 4 კი ქალი. ქორწინების რეგისტრირებულ მონაცემებზე დაყრდნობით ბოლო 15 წლის განმავლობაში „საქსტატმა“ გამოიანგარიშა ქორწინების საშუალო ასაკი დედოფლისწყაროში. ქალებს შორის ესაა 25-დან 32 წლამდე, ხოლო მამაკაცებში 30-დან 34,5 წლამდე.

რატომ უარესდება დემოგრაფიული მდგომარეობა ქვეყანაში და რატომაა ეს ყველაზე მეტად თვალშისაცემი სწორედ რეგიონებში? ამის გარკვევას გაზეთი „შირაქი“ შეეცადა.

შობადობის შემცირების მთავარ მიზეზად სპეციალისტები იმ გარემოებას ასახელებენ, რომ ახლა რეპროდუქციული ასაკი 90-იანი წლების კრიზისის დროს დაბადებულ თაობას აქვს, ამიტომაც სტატისტიკის ვარდნა მოსალოდნელი იყო. ბუნებრივია, რომ 90-იანი წლების სიმძიმე თავის ასახვას ჰპოვებდა, რადგან იმ თაობის დიდი ნაწილი, რომელიც ახლა შთამომავლობას უნდა ქმნიდეს, იმ კრიზისულ წლებში არ დაბადებულა. ჩვენს ქვეყანაში ვითარების დასტაბილურება 2000-იანი წლებიდან იწყება, შესაბამისად, მომავალ წლებში შობადობის მატება ისევ მოსალოდნელია. ბუნებრივი მატება კი ძირითადად 2000-იანელების თაობის ხარჯზეა პროგნოზირებული.

დემოგრაფიული პრობლემის გამწვავებას ხელს უწყობს როგორც შიდა, ისე გარე მიგრაცია. ახალი თაობა სკოლის დამთავრებისთანავე ჯერ სასწავლებლად, შემდეგ კი სამუშაოს საძიებლად დიდ ქალაქებსა და საზღვარგარეთის განვითარებული ქვეყნებისკენ მიიღვტის. შესაბამისად, პირველ რიგში მათი საზრუნავი დასაქმება და საარსებო პირობების შესაქმნელად ზრუნვაა. დაოჯახება და შთამომავლობის დატოვებაზე ზრუნვა კი მეორე პლანზე ინაცვლებს.

ჩვენს მიერ გამოკითხული ახალგაზრდების დიდი ნაწილი ამბობს, რომ ჩვენს ქვეყანაში ახალგაზრდა რთულად ახერხებს დასაქმებას და შემდგომში სტაბილური ხელფასით უზრუნველყოფას. უმრავლესობა საყოფაცხოვრებო პირობების უზრუნველყოფას მხოლოდ 40 წლის ასაკისთვის თუ ახერხებს, ამ ფონზე უგვიანდებათ.

„თუ ახალგაზრდას მშობლებისგან რაიმე მემკვიდრეობა არ დარჩა, შეუძლებელია ფეხზე მყარად დადგე. მხოლოდ ხელფასით წარმოუდგენელია საცხოვრებელი ბინაც შეიძინო და პარალელურად არსებობაც შეძლო. თუ ხელფასით სახლს იყიდი, გამოდის რომ 10-15-20 წელი ეს საბანკო ვალი უნდა დაფარო და ამ ხნის განმავლობაში სხვა ხარჯებისთვის ფული აღარ გრჩება. არადა სხვა რამდენი ხარჯი აქვს ადამიანს... საქართველოში არ არის ისეთი ხელფასები, რომ თუნდაც წარმატებულმა ახალგაზრდამ დროულად მოახერხო სტაბილური სამსახურის, საცხოვრებელი სახლის

უზრუნველყოფა, რომ შემდეგ დაოჯახება დაგეგმოს. ბევრისგან გაიგებთ, რომ ელემენტარული პირობების უზრუნველყოფა მხოლოდ 40 წლის ასაკში შეძლეს... როცა რეალობის წინაშე ვდგებით, გვინვეს არ ჩვეანი ემიგრაციაზე შევაჩეროთ, ან სხვაგან ვეძებთ გამოსავალი. სამუშაოდ, ბევრმა გაქცევაში ნახა გამოსავალი... ბევრია ისეთიც, რომლებიც განვითარებულ ქვეყნებში ფეხს მოიკიდებენ და ალარც ფიქრობენ სამშობლოში დაბრუნებაზე. მათი შვილები იქ იბადებიან, იზრდებიან, ბევრმა ქართულიც ალარ იცის... 10-20 წელი რომ შვილებს სხვა ქვეყანაში გაზრდი, უცხო სოციალურში რომ ტრიალებენ, ბუნებრივია მათ საქართველოსთან ემოციური ბმა არც ექნებათ და დაკარგული თაობა მივიღებთ,“ - გვიამბობენ ახალგაზრდები.

ახლადშექმნილი ოჯახები რეგიონში დარჩენას ძირითადად დასაქმების პრობლემის გამო ვერ ახერხებენ. რაიონული ცენტრებისგან განსხვავებით კიდევ უფრო რთული ვითარებაა სოფლებში. სოფლად მხოლოდ ისეთი ახლადშექმნილი ოჯახები მკვიდრდებიან, რომლებიც სოფლის მეურნეობას მისდევენ, ან საჯარო სექტორში არიან დასაქმებულნი. კერძო სექტორის სამუშაო ადგილების რაოდენობა სოფლებში ცოტაა, ამდენად სტაბილური შემოსავლის წყაროს ძიება ხშირად მათ მიგრაციის გარდაუვალი აუცილებლობის წინაშე აყენებს. რომ აღარაფერი ვთქვათ იმაზე, რომ ამავე მიზეზით მცირეწლოვანი შვილების წლობით დატოვება და ემიგრაციაში წასვლაც ბევრს უწევს.

„სოფლებში რაზე უნდა დასაქმდეს ახალგაზრდა? ერთადერთი, რაც ყველა სოფელში მოუძიებებს ესაა ბაღები და სკოლები. იქ თუ არ იმუშავებს, სხვა შესაძლებლობას სოფლად არც საჯარო სექტორი იძლევა. კერძო სექტორი სოფლებში თითქმის არ არის განვითარებული, რომ სამუშაო ადგილებს ბიზნესი ქმნიდეს. გამოდის, რომ მაშინ ვენახს, მიწას, ან მესაქონლეობას უნდა მოეკიდო. ეს ბევრ ახალგაზრდას ან არ შეუძლია, ან სხვა სფეროში დასაქმებას ამჯობინებს, ამიტომაცაა რომ სოფლებში სკოლის ასაკის ბავშვები და მოხუცები დარჩნენ, სხვა თაობა თითქმის ჩამოსათვლილია. კარგი განათლებაც რომ მიიღოს, უკან, რეგიონში დაბრუნებაზე თითქმის არავინ ფიქრობს. ხშირად ახალგაზრდებს გვადანამაშლებენ ამაში, მაგრამ თუკი შესაბამისი განათლებით დავსაქმდებით და ცოდნის რეალიზების საშუალება სოფელში მოგვეცემა, რატომაც არ დავბრუნდებით?“ - ამბობენ ახალგაზრდები.

ილია მარტყოფლიშვილი

წ ა ლ ი	2010	2011	2012	2013	2014	2015	2016	2017	2018	2019	2020	2021	2022	2023	2024
შ ო ბ ა დ ო ბ ა	300	277	279	281	349	348	333	299	252	250	228	218	215	193	170
ქალაქი	88	77	70	67	83	108	92	76	76	79	71	62	69	73	58
სოფლები	212	200	209	214	266	240	241	223	176	171	157	156	146	120	112
ბ ი ჭ ი	160	145	152	150	173	177	174	150	123	134	109	110	116	99	74
გ ო გ ო	140	132	127	131	176	171	159	149	129	116	119	108	99	94	96

აშშ-ში ქართული ღვინის იმპორტი 11-წლიან რეკორდულ მაჩვენებელზე

აშშ-ში ღვინის იმპორტიორ 25 წამყვან ქვეყანას შორის საქართველო მე-17 ადგილზეა. ამის შესახებ ამერიკის ღვინის ეკონომისტთა ასოციაციის (American Association of Wine Economists-AAWE) ანგარიშში წერია, რაც მის ფაქტობრივ-გვერდზე ვრცელდება.

კერძოდ, 2024 წელს ღვინის იმპორტი საქართველოდან 7.8 მლნ დოლარის ღირსშესანიშნაობით, რაც ბოლო თერთმეტწლიანი პერიოდის ყველაზე მაღალი მაჩვენებელია. მანამდე მაქსიმუმი მხოლოდ 2022 წელს დაფიქსირდა, როცა იმპორტმა 5.6 მლნ დოლარი შეადგინა.

მხოლოდ ერთ წელიწადში, ანუ 2023-2024 წლებში აშშ-ში ქართული ღვინის იმპორტი 2.6 მლნ დოლარამდე გაიზარდა. შარშან ქვეყანა, 2023 წელს შედარებით, მე-18-ე ადგილიდან ერთი პოზიციით დანინაწურდა. 2023 წელს აშშ-ში საქართველოდან 5.22 მლნ დოლარის ღირსშესანიშნაობით იმპორტი გახსოვდა, რაც აშშ-ში ღვინის იმპორტის მთლიანი ღირებულების 0.078%-ს შეადგენდა.

2013-2024 წწ. პერიოდის სტატისტიკის მიხედვით, აშშ-ში ქართული ღვინის იმპორტის ღირებულება 0.8 მილიონიდან 7.8 მლნ დოლარამდე გაიზარდა. კერძოდ:

- 2013 წელი - 0.8 მლნ დოლარი
- 2014 წელი - 0.9 მლნ დოლარი
- 2015 წელი - 1.1 მლნ დოლარი
- 2016 წელი - 1.3 მლნ დოლარი
- 2017 წელი - 1.7 მლნ დოლარი
- 2018 წელი - 2.0 მლნ დოლარი
- 2019 წელი - 3.0 მლნ დოლარი
- 2020 წელი - 3.8 მლნ დოლარი
- 2021 წელი - 4.6 მლნ დოლარი
- 2022 წელი - 5.4 მლნ დოლარი
- 2023 წელი - 5.2 მლნ დოლარი
- 2024 წელი - 7.8 მლნ დოლარი

ბოლო, 2024 წლის რეიტინგში საქართველო სულ ერთი პოზიციით, ხოლო თანხობრივად ბევრად მეტად ჩამორჩება საბერძნეთს (19.5 მლნ დოლარი) და უსწრებს ისეთ ქვეყნებს,

როგორც მექსიკა (7.4 მლნ), დიდი ბრიტანეთი (7.4 მლნ), შვეიცარია (7.4 მლნ), სლოვენია (4.3 მლნ), უნგრეთი (3.7 მლნ), ლიბანი (3.1 მლნ), ბელგია (2.5 მლნ), დანია (2.4 მლნ) და ურუგვაია (2.1 მლნ).

აშშ-ში ღვინის წამყვანი იმპორტიორი ქვეყნების სამეულს საფრანგეთი (2.506 მლრდ დოლარი), იტალია (2.253 მლრდ) და ახალი ზელანდია (518 მლნ) წარმოადგენენ.

აშშ-ში ღვინის იმპორტის ღირებულებით ქვეყნების 2024 წლის ტოპ 10-ეული ასეთია:

• **საფრანგეთი - 2.506.3 მლრდ დოლარი**

• **იტალია - 2.253.2 მლრდ დოლარი**

• **ახალი ზელანდია - 518.4 მლნ დოლარი**

• **ესპანეთი - 391.4 მლნ დოლარი**

• **ავსტრალია - 243.3 მლნ დოლარი**

• **არგენტინა - 207 მლნ დოლარი**

• **ჩილე - 163.5 მლნ დოლარი**

• **პორტუგალია - 118 მლნ დოლარი**

• **გერმანია - 77.9 მლნ დოლარი**

• **კანადა - 63.4 მლნ დოლარი**

აღსანიშნავია, რომ 2024 წლის ტოპ-10-ეულის შემადგენლობა და პოზიციები 2023 წლის ანალოგიურია.

სულ ევროკავშირის წევრი ქვეყნების წილმა აშშ-ში ღვინის იმპორტში 80%, ანუ 5.412 მლრდ დოლარი შეადგინა, ხოლო ბლოკის არაწევრი ქვეყნების წილი 20%-ია, რაც 1.378 მლრდ დოლარია.

ცნობისთვის: AAWE არაკომერციული საგანმანათლებლო ორგანიზაციაა, რომელიც ეკონომიკურ კვლევებს ეწევა, ასევე, მეღვინეობის სფეროში იდეებს აანალიზებს და მათ გავრცელებას უწყობს ხელს. ასოციაციის ძირითადი საქმიანობა მეღვინეობის შესახებ რეცენზირებული ეკონომიკური ჟურნალის გამოცემა და მეღვინეობასთან დაკავშირებული სამეცნიერო კონფერენციების ორგანიზებაა.

რა მნიშვნელობა აქვს ამერიკაში ღვინის იმპორტის ზრდას?

საქართველოსთვის ამერიკაში გა-



ტანილ ღვინოს აქვს რამდენიმე მნიშვნელოვანი ეკონომიკური, კულტურული და პოლიტიკურ-დიპლომატიური მნიშვნელობა:

1. პოლიტიკური მნიშვნელობა

• ექსპორტის ზრდა: ამერიკა წარმოადგენს ერთ-ერთ დიდ და მზარდ ბაზარს ქართული ღვინისათვის. ექსპორტის ზრდა ნიშნავს შემოსავლის მატებას ქართველი მეღვინეებისთვის და მთლიანად ღვინის ინდუსტრიისთვის.

• მცირე მეწარმეების მხარდაჭერა: ბევრი მცირე და საშუალო მეღვინე, რომლებიც ტრადიციულ ტექნოლოგიებს იყენებენ, ღვინის ექსპორტით იძენენ საერთაშორისო აღიარებას და ინარჩუნებენ ფინანსურ მდგრადობას.

• დასაქმება და ინვესტიციები: ღვინის ინდუსტრიის განვითარება ქმნის სამუშაო ადგილებს რეგიონებში და იზიდავს უცხოურ ინვესტიციებს.

2. კულტურული მნიშვნელობა

• ტრადიციული ღვინის პოპულარიზაცია: ქართული ქვეყნის ღვინო უნიკალურია და განიხილება როგორც უძველესი ტრადიციული ღვინის წარმოების ნაწილი. ამერიკაში გატანა ხელს უწყობს ამ კულტურის საერთაშორისო დონეზე წარმოდგენას.

• საქართველოს იმიჯის გაძლიერება: ღვინო ხდება ქვეყნის „საოფისე ბარა-

თი“, რაც აძლიერებს საქართველოს, როგორც კულტურულად მდიდარი ქვეყნის პოზიციონირებას.

3. პოლიტიკური და დიპლომატიური მნიშვნელობა

• დასავლური ინტეგრაციის მხარდაჭერა: ამერიკასთან მჭიდრო სავაჭრო კავშირი და კულტურული პროდუქტის გაცვლა ხაზს უსვამს საქართველოს ევროპულ-დასავლურ კურსს.

• „რბილი ძალა“ (soft power): ღვინის მეშვეობით საქართველო ახერხებს პოზიტიური იმიჯის შექმნას საერთაშორისო არენაზე, რაც გავლენას ახდენს პოლიტიკურ ურთიერთობებზე.

ამერიკულ ბაზარზე ქართული ღვინოების წარმატება განპირობებულია მათი უნიკალური გემოთი, ტრადიციული წარმოების მეთოდებით და მაღალი ხარისხით. ამერიკელი მომხმარებლები ეძებენ ახალ და განსხვავებულ გემოებს, რაც ქართული ღვინოების პოპულარიზაციას უწყობს ხელს.

თუ გსურთ გაიგოთ, თუ რომელ ღვინოებს მიიჩნევენ ამერიკელი მომხმარებლები საუკეთესოდ, შეგიძლიათ გაეცნოთ ღვინის მიმოხილვებსა და შეფასებებს, რომლებიც გამოქვეყნებულია ღვინის სპეციალიზირებულ ვებგვერდებზე და ჟურნალებში.

საქართველოს რამდენ მოქალაქეს აქვს აკრძალული გასართობი თამაშობებში მონაწილეობის უფლება?

„აზარტულ თამაშებზე დამოკიდებულ პირთა თვითშეზღუდვის პროცედურა კიდევ უფრო გამარტივდა“, - აღნიშნულის შესახებ ინფორმაციას შემოსავლების სამსახური ავრცელებს.

როგორც განცხადებაში ვკითხულობთ, დაინტერესებულ პირებს ელექტრონულ სერვისზე სწრაფი იდენტიფიკაციის გზით, შედარებით უფრო მარტივად შეუძლიათ საკუთარი მონაცემების შეყვანა.

„ფინანსთა სამინისტროს შემოსავლების სამსახური გაცნობებთ, რომ ახალი ელექტრონული სერვისის დაწესებით, აზარტულ თამაშებზე დამოკიდებულ პირთა თვითშეზღუდვის პროცედურა კიდევ უფრო გამარტივდა. მომხმარებელს შესაძლებლობა აქვს, სწრაფი იდენტიფიკაციის გზით, ვებგვერდზე www.rs.ge ავტორიზაციის გარეშე, მარტივად მოახდინოს საკუთარი მონაცემების შეყვანა.

ამასთან, აზარტულ თამაშებზე და-

მოკიდებულ პირთა სიაში მონაცემების შეტანა, შესაძლებელია ავტორიზებული მომხმარებლის გვერდიდან, ელექტრონული განცხადების წარმოდგენით.

შემოსავლების სამსახური შეგახსენებთ, რომ „ლატარიების, აზარტული და მომგებიანი თამაშობების მოწყობის შესახებ“ საქართველოს კანონში ცვლილება 2022 წლის პირველი მარტიდან განხორციელდა.

უნწყების ცნობითვე, დღეის მონაცემებით, ელექტრონულ ბაზაში, ონლაინ სათამაშო ბიზნესის გამკაცრებული რეგულაციების შედეგად, დამოკიდებულ პირთა სიაში რეგისტრირებულია 26 655 ფიზიკური პირი, აქედან მოსამართლის ბრძანების საფუძველზე 58 პირი, ხოლო თავად პირის მომართვის საფუძველზე 26 597 განაცხადი დარეგისტრირდა.

ამასთან, „ლატარიების, აზარტული და მომგებიანი თამაშობების მოწყობის შესახებ“ საქართველოს კანონის თანახმად, აკრძალულ პირთა სიაში, ავტომატურ რეჟიმში 1 552 685 პირის შესახებ არის ინფორმაცია შეტანილი,“ - შემოსავლების სამსახური.

ცნობისთვის, „თამაშზე დამოკიდებულ პირად“ ითვლება ადამიანი, რომ-

მელსაც აქვს დაუძლეველი სურვილი და დამოკიდებულება აზარტულ ან/და მომგებიან თამაშობებზე და რომლის მონაცემებიც „დამოკიდებულ პირთა სიაში“ არის შეყვანილი. ხოლო „აკრძალულ პირთა“ რეესტრში ხვდებიან, ისინი ვინც დასაქმებული არიან საბიუჯეტო ორგანიზაციაში, მათ შორის: სახელმწიფო მოსამსახურეები, საჯარო მოსამსახურეები, სახელმწიფო პოლიტიკური თანამდებობის პირები და ა.შ.

აზარტულ თამაშებზე დამოკიდებულებას - იგივე ლუდომანიას - შეუძლია მნიშვნელოვანი ზიანი მიაყენოს ადამიანის ფიზიკურ, ფსიქიკურ, ფინანსურ და სოციალურ ცხოვრებას. ძირითადი პრობლემები, რაც შეიძლება ამ დამოკიდებულებას მოჰყვეს არის:

ფსიქოლოგიური ზიანი

• დეპრესია და შფოთვა - მოთამაშეს მუდმივად თან სდევს წაგების შიში, დანაშაულის გრძნობა და უსუსურობა.

• დამოკიდებულების გაღრმავება - აზარტულ თამაშებზე დამოკიდებულება შეიძლება ისე გაღრმავდეს, რომ ადამიანი ვეღარ გაჩერდეს, თუნდაც ფული აღარ ჰქონდეს.

• სულიერი აზრები - ხშირია სუიციდის მცდელობები, განსაკუთრებით მაშინ, როცა ადამიანი დიდ თანხას აგებს ან დაკარგავს ახლობლების ნდობას.

ფინანსური ზიანი

• ვალები და გაკოტრება - მუდმივი თამაშის შედეგად ბევრი ადამიანი იღებს სესხს, ყიდის ქონებას და მაინც აგებს.

• სამუშაოს დაკარგვა - ფინანსური პრობლემების ფონზე ადამიანი ხშირად კარგავს კონცენტრაციას, რაც სამუ-

შაოს ხარისხზე აისახება.

• ფულის უკანონო მოპოვება - ზოგიერთს თამაში მიჰყავს ისეთ დონეზე, რომ ინყებს ქურდობას ან თაღლითობას.

სოციალური ზიანი

• ოჯახის დაწვრთვა - დამოკიდებულება ხშირად იწვევს კონფლიქტებს ოჯახში, ლალატს, ტყუილს და საბოლოოდ, განქორწინებას.

• სოციალური იზოლაცია - მოთამაშეები ხშირად თავს არიდებენ მეგობრებს და საზოგადოებას, თავს დამნაშავედ გრძნობენ.

• ნდობის დაკარგვა - მეგობრები და ახლობლები ხშირად წყვეტენ ურთიერთობას, როცა თამაშის გამო ადამიანი ავიწროებს მათ ან იტყუებს.

ფიზიკური ჯანმრთელობა

• უძილობა და დაღლილობა - ფიზიკური და ემოციური სტრესი ხშირად იწვევს დაღლილობას, უძილობას, თავის ტკივილს.

• ნივთიერების ბოროტად გამოყენება - ზოგიერთ შემთხვევაში, დამოკიდებული ადამიანები თავშესაქცევად მიმართავენ ალკოჰოლს ან ნარკოტიკებს.

დამოკიდებულება არ არის სისუსტე - ეს არის ფსიქიკური დარღვევა, რომელიც საჭიროებს მკურნალობას. საპარტოველოში ამ მიმართულებით უკვე არსებობს ფსიქოთერაპიული სერვისები, ცხელი ხაზები და ჯგუფური თერაპიები, რომლებიც დახმარებას სთავაზობენ დაზარალებულებს.

გვერდი მოამზადა

გვერდი მოამზადა



აპრილის ბოლოს საბიბლიოთეკო კვირეული ყოველწლიურად აღინიშნება, 30 აპრილი კი ბიბლიოთეკარის დღეა. ქალაქ დედოფლისწყაროში მცხოვრებ 87 წლის ლილი ბეგიაშვილს ბიბლიოთეკაში მუშაობის 50 წლიანი გამოცდილება აქვს. სკოლის დამთავრებისთანავე ბიბლიოთეკაში დაინყო მუშაობა და მთელი ცხოვრება წიგნებთან გაატარა. ამბობს, რომ ეს პროფესია იმდენად მოსწონდა, სხვა სფეროში წასვლა აღარც უფიქრია.

ლილი ბეგიაშვილი: „დავიბადე 1938 წელს სიღნაღის რაიონის სოფელ ძველ ანაგაში. წიგნები პატარაობიდანვე მიყვარდა. სკოლის პერიოდში ხშირად დავდიოდი სოფლის ბიბლიოთეკაში, გამომქონდა წიგნები, კლასგარეშე საკითხავ ლიტერატურასაც ვეცნობოდი. კითხვა ყოველთვის ჩემი საყვარელი საქმე იყო. ეს არავის გავლენით არ მომხდარა, თვითონ მქონდა ინტერესი. სკოლა რომ დავამთავრე, მაშინ ისეთი დრო იყო ინსტიტუტში ჩასაბარებლად სამუშაო სტაჟი აუცილებელი მოთხოვნა იყო. სხვა პროფესიაზე აღარც მიფიქრია, წიგნები მიყვარდა და ბიბლიოთეკარობის დიდი სურვილი მქონდა. პედაგოგობაზეც ვფიქრობდი, მაგრამ მაინც ამან გადაწყვიტა. იმ პერიოდში თბილისის ეროვნულ ბიბლიოთეკაში ვაკანსია იყო და 1 წლის განმავლობაში ბიბლიოთეკარად ვიმუშავე, შემდეგ სტაჟი რომ მოვგვარე მოვემზადე და ჩავაბარე პუშკინის სახელობის პედაგოგიურ ინსტიტუტში ბიბლიოთეკათმცოდნეობის სპეციალობაზე. დაუსწრებელ განყოფილებაზე ვსწავლობდი, ამიტომ მალევე მუშაობაც დავეიწყე. დაახლოებით 4 წელი ჩემივე სოფელში, ძველი ანაგის ბიბლიოთეკაში ვმუშაობდი. ბოლო კურსზე დავექორძინე წითელწყაროში ვალიკო შეითნიშვილზე, ასე მოვხვდი წითელწყაროში. სამი შვილი, 6 შვილიშვილი და 6-იც შვილთაშვილი მყავს.

წითელწყაროში ჩემი პირველი სამსახური გახლდათ „შირაქის“ რედაქცია იყო. აქეთ გადმოსვლის შემდეგ სამსახურს ვეძებდი. მაშინ დიპლომირებული ადამიანების დასაქმება არ ჭირდა. გავიგე, რომ რედაქციაში ლიტმუშაკის ვაკანსია იყო. იმ პერიოდში წითელწყარო სიღნაღს გამოეყო და მათთან გაერთიანებული გაზეთის რედაქციაც ხელახლა ჩამოყალიბდა, ამიტომ ამ გუნდში მეც მოვხვდი. მანამდე გურჯაანში წამიყვანეს და პრაქტიკა გავიარე, რედაქციის სპეციფიკა შემასწავლეს. ძირითადად რედაქციაში შემოსული წერილების გადარჩევა და კითხვა მევალებოდა. იშვიათად წერილებსაც ვწერდი, უფრო კორექტურას ვაკეთებდი. ჩემს შემდეგ ლიტმუშაკად მოვიდა ანზორ მაძლარაშვილი, ასევე ლიტმუშაკი იყო ანზორ ჯალაღავილი. მაშინ რედაქტორი გოდერძი ტოკლიკიშვილი იყო, ძალიან მკაცრი კაცი. წესრიგი უყვარდა და დავიანებას არ გვპატიობდა. ყველას რიდი და პატივისცემა ჰქონდა მისი. ასევე კარ-

ბიბლიოთეკარი — ნახევარი საუკუნე წიგნებთან

გად ვიხსენებ შოთა ბიკაშვილს, უმანგი წყარუაშვილს, თინა ფავლენიშვილსა და ბულაღტერ ლეილა ჯინაშვილს. საინტერესო პერიოდი გავატარე რედაქციაში, საოცრად კარგი ურთიერთობები იყო, ყველასთან კარგად ვიყავი. დაახლოებით 1 წელი ვიყავი „შირაქის“ რედაქციაში. ამ პერიოდშიც არ შემინეყვებია ბიბლიოთეკაში სიარული და რადგან იცოდნენ, რომ საბიბლიოთეკო განათლება მქონდა, ისინი სულ ჩამჩინებდნენ ჩვენთან გადმოდიო. ბუნებრივია, მეც მიწოდდა პროფესიით მემუშავა. ამიტომ, დაახლოებით 1963 წლიდან წითელწყაროს საბავშვო ბიბლიოთეკაში დავინიჭე მუშაობა. მაშინ საბავშვო და ცენტრალური ბიბლიოთეკები ცალკე-ცალკე იყო. სტალინის ქუჩაზე პატარა შენობაში ვიყავით. მაშინ საბავშვო ბიბლიოთეკის გამგე იყო მარო გელაშვილი, ასევე ჩვენთან მუშაობდა ეთერ ნატროშვილი. მოგვიანებით მარო პენსიაში რომ გავიდა, გამგე გახდა იზო კიკნაძე. შეიძლება გამგედ მეც დავენიშნე, ორივეს უმაღლესი პროფესიული განათლება გვქონდა, მაგრამ რადგან ის პარტიული იყო ამიტომ დანიშნეს. თუმცა, იზო დიდხანს არ ყოფილა და მალევე წავიდა. იმხანად წითელწყაროს კულტურის განყოფილების გამგე იყო თენგიზ იაკობიშვილი, მან შემომთავაზა, რომ საბავშვო ბიბლიოთეკის გამგე ვყოფილიყავი. და ვთანხმე და ბოლომდე ამ პოზიციაზე ვიმუშავე. ბევრი შენობა გამოვიცვალეთ: მ უ ს ი კ ა ლ უ რ სკოლაშიც ვიყავით, ერთხანს მუხეუმშიც, სტატისტიკის შენობაშიც, სათნოების სახლის მეორე სართულზე. ასევე, ბაზართან, კრედო ბანკის შენობაში ადრე სტამბა-რედაქცია მოქმედებდა და ერთხანს ჩვენ იქაც ვიყავით. მთელი ცხოვრება წიგნებთან და ბავშვებთან გავატარე. ჩემთან ერთად საბავშვო ბიბლიოთეკაში მუშაობდნენ ანგელინა ლორაშვილი, მერი ნატროშვილი, თამარიკო ნასრაშვილი, ცეცელიოჯანაშვილი, თინიკო ელაშვილი...

გვექონდა მოძრავი ბიბლიოთეკაც. ავტობუსი გვყავდა და დავდიოდით, ლეტნიკის ტყეში 90-იან წლებამდე მოქმედებდა საზაფხულო ბანაკი, ასევე საბავშვო ბაღებში მივდიოდით და წიგნებს ვტოვებდით, შემდეგ ვცვლიდით. ასევე სოფლის ბიბლიოთეკებში დავდიოდით და ვამონუმებდით. მაშინ სხვა დრო იყო, მეტი ინტერესი არსებობდა. განსხვავებული მიდგომები და მუშაობა იყო, მოთხოვნაც სხვანაირი გვქონდა. თითქმის უფრო მეტი ხალხი იყო. ახლა ბიბლიოთეკების მიმართ ასეთი ინტერესი აღარ არის. ყოველდღიურად ბიბლიოთეკებში რიგები გვედგა, მაშინ ამდენი გასართობი და ინფორმაციის მიღების საშუალება არ იყო და ყველა კითხულობდა. განვითარებამ და თანამედროვე ტექნოლოგიებმა ბევრი რამ შეცვალა. ახლა სადაა ამდენი მკითხველი?! მაშინ აღრიცხვას ვანარმობდით და მკითხველთა რაოდენობა ყოველწლიურად მზარდი იყო. ყველანაირი თარიღს ვეზამუერებდით და ლონისძიებებს ვატარებდით, სკოლებში დავდიოდით. შესანიშნავი და ძვირფასი წიგნები ფონდი გვქონდა როგორც ქართული, ისე რუსულენოვანი. სხვათაშორის სკოლებს შორის ძალიან აქტიურობდა მაშინდელი რუსული სკოლა, რომელსაც ამჟამად ხორნაბუჯის სკოლა ჰქვია. აქტიურად მიჰქონდათ როგორც ქართული, ისე რუსული წიგნები.

— **რომ არა ბიბლიოთეკარი, რა პროფესიას აირჩევდით?**

— პედაგოგობაზეც ვფიქრობდი... სხვათაშორის, შემეძლო კიდეც, რომ მესამე კურსიდან საბუთები გადამეტანა ისტორიულ, ან ფილოლოგიურ ფაკულ-



ტეტებზე, მაგრამ იმდენად მიყვარდა წიგნები და ისე მიწოდდა ბიბლიოთეკაში მუშაობა, ჩემი არჩევანისთვის არ მილატია, ბოლომდე ვუერთგულე. ნახევარ საუკუნეზე მეტი ბიბლიოთეკაში გავატარე, მაგრამ არ არის ეს რუტინული საქმე, ყოველი წიგნი ახალი თავგადასავალია და ყოველთვის რაიმე ახალს სწავლობ.

— **თუმცა, ტექნოლოგიების განვითარებამ ბევრად მასალაზე მოთხოვნა და ინტერესი შეამცირა...**

— დღეს რომ ვუყურებ, გული

მწყდება. რა თქმა უნდა, ამკარაა, რომ წიგნი ფუნქციას კარგავს. ტექნიკის განვითარებამ ადამიანის ჩვევებიც შეცვალა. ახალ თაობას აღარ უნდა წიგნის კითხვა, უმრავლესობა კომპიუტერსა და ტელეფონში იყურება და ასე იღებს ინფორმაციას. ადრე ცხადია ასე არ იყო. ჩემს დროს უფრო მეტი ხელშეწყობა იყო სახელმწიფოს მხრიდან ბიბლიოთეკების მიმართ. ყოველწლიურად შემოდიოდა ახალი გამოცემები. სავესტოპოსს დავცვლიდით ხოლმე და ღამეებს ვათევდით მის დაკომპლექტებაზე. ახლა ახალი გამოცემების ბიბლიოთეკებში მასიური განაწილება აღარ ხდება.

— **რას ურჩევდით ახალგაზრდებს და რა უნდა გაკეთდეს, რომ წიგნმა ფუნქცია არ დაკარგოს?**

— დრო იცვლება და მუდმივად იცვლება რეალობაც. ვფიქრობ, წიგნის აქტიური პოპულარიზაცია უნდა მიდიოდეს ახალგაზრდებში, უფრო აქტიური კონტაქტი სკოლებთან, ახალგაზრდობასთან, მოსახლეობასთან. მეტი ღონისძიებებისა და აქტივობების დაგეგმვაა საჭირო. მოზარდს სახლშიც და სკოლებშიც უნდა უხსნიდნენ, რომ წიგნი შეუცვლელია. მოზარდებს ვურჩევდი მეტი დრო გაატარონ წიგნთან, ენდონ ჩემს დიდ გამოცდილებას და დარწმუნდებიან, რომ წიგნი სულ სხვა ემოციასა და განცდებს გვცხადებს. კომპიუტერი და ტელეფონი ამ ემოციებს ვერ აღძრავს. ვფიქრობ კარგი თაობა გვყავს და მინდა მშვიდობა ჰქონდეთ, განვითარების შესაძლებლობა მიეცეთ.

— **საყვარელი წიგნი, ან ავტორი?..**

— ნამდვილად ვერ გამოვარჩევ. ყველა წიგნი საინტერესოა და ყველა ავტორი თავისებურად კარგია...

2005 წლიდან სამსახური დავტოვე და პენსიაში გავდი. 2023 წელს კი უბედური შემთხვევა მოხდა. იმ დღეს ეზოში ვიყავი, დილით აბაზანაში შევედი ხელის გადასაბანად, ცხელი წყალი რომ მოვსენი უცებ აფეთქების ხმა გაისმა, როგორც ჩანს გაზმა გაჟონა და როგორც თქვეს წნევამ ჭერი აწია და ზედა სართულზე კედლები დაზარა. ახლაც არ ვიცი, როგორ გადავრჩი. ალბათ იმან გადამარჩინა, რომ აირი ძირითადად მეორე სართულზე დაგროვდა, მე კი დაბლა შევედი. რადგან აბაზანაში ვიყავი დაზიანებები არ მიმიღია. ცოცხალი გადავრჩი, მაგრამ სახლი ისეთი ამორტიზებული იყო, დასაშლელი გახდა. საცხოვრებლად სახიფათო იყო და სხვა გზა არ გვქონდა. არავინ დაგვხმარებია, ჩემმა შვილმა საკუთარი ძალებით და კეთილი ადამიანების დახმარებით მოაწვრთნა ზედა სართული და ხელახლა ამოშენა. დიდი სტრესი იყო ჩემთვის, რომ ასეთ ასაკში ეს შემემთხვა.

— **ილია მარტყოფლიშვილი**

მუშაობი და უსაფრთხო გადაადგილებების

ავტომობილების გადაჭარბებული სიჩქარით მოძრაობა ერთ-ერთი ყველაზე საშიშროო პრობლემაა ქალაქებში და სხვა დასახლებულ პუნქტებში.

ბოლო რამდენიმე კვირაა, რედაქციას სხვადასხვა ქუჩის მაცხოვრებლები მომართავენ ჩივილით, მათ ქუჩაზე ავტომობილების გაჭარბებული სიჩქარით მოძრაობის შესახებ. ისინი ამის გამო შეშფოთებას გამოთქვამენ, განსაკუთრებით ეს ხდება სალამოს საათებში. აქვე ვისარგებლებ მომენტით და დავამატებ ჩემს გულისტკივილს და შეშფოთებას, ღამის საათებში ე.წ. „გეორგის სამშენებლო მაღაზიის“ (რკინიგზის სადგურის გადასწვრივ) მიმდებარედ გამომართულ დრიფტზე, გადაჭარბებული სიჩქარით და მუხრუჭების ხრჭილით. ეს გრძელდება ხოლმე 5-7 წუთი, თითქმის ყოველ სალამოს. (ერთი პერიოდი აღარ ხდებოდა ასეთი რამ, მაგრამ რამდენიმე თვეა, ისევ

რეგულარულად ტარდება სალამოებით (ღამე) აღნიშნული ქმედებები.

გადაჭარბებული სიჩქარე ხშირად იწვევს საგზაო შემთხვევებს, რომლებიც შეიძლება დასრულდეს მძიმე დაზიანებებით ან ადამიანების სიცოცხლის მოსპობით. მიუხედავად იმისა, რომ მოქმედი კანონმდებლობა სიჩქარის ზღვარს მკაფიოდ განსაზღვრავს, ეს რეგულაციები ხშირად არ სრულდება და ბევრი მძღოლი უგულვებელყოფს უსაფრთხოების წესებს.

დასახლებულ პუნქტებში, სადაც მოძრაობა ინტენსიურია და ქვეითად მოსიარულეთა რაოდენობა მაღალია, სიჩქარის გადაჭარბება განსაკუთრებით საშიში ხდება. ქუჩებზე გადაადგილებიან ბავშვები, მოზულები და სხვა მგზავრები, რომლებსაც შეიძლება გზის გადაკვეთა სჭირდებოდეთ. გადაჭარბებული სიჩქარით მოძრავი ავტომობილი მათ საფრთხეს უქმნის, რადგან დროულად დამუხრუჭება ან მანევრის შესრუ-

ლება რთულდება.

პრობლემის ერთ-ერთი მიზეზი არის მძღოლების მოუთმენლობა, დაუდევრობა და ზოგჯერ - აგრესიული მართვა. ბევრ მათგანს არ აქვს საკმარისი ცნობიერება იმის შესახებ, რომ გადაჭარბო სიჩქარეს იქ, სადაც მაღალია მოძრაობის კონცენტრაცია, სერიოზულ საფრთხეს წარმოადგენს არა მხოლოდ სხვებისთვის, არამედ საკუთარი თავისთვისაც. ამასთანავე, ტექნოლოგიური პროგრესი და მძღავრი ავტომობილები მძღოლებს აძლევს შესაძლებლობას, სწრაფად იმოძრაონ, რაც ხშირად სიფრთხილის გარეშე ხდება.

პრობლემის მოგვარება შესაძლებელია სხვადასხვა გზით. უპირველეს ყოვლისა, საჭიროა მკაცრი კონტროლი - ეფექტური ვიდეომონიტორინგი, სიჩქარის მზომი მონაცემების და პატრულის რეგულარული მონიტორინგი. გარდა ამისა, საჭიროა საინფორმაციო კამპა-

ნიები, რომლებიც გააცნობიერებს საზოგადოებას სიჩქარის გადაჭარბების შედეგებს. განათლებისა და ცნობიერების ამაღლება განსაკუთრებით მნიშვნელოვანია ახალგაზრდებში, რომლებსაც ხშირად აქვთ სარისკო ქცევა გზაზე.

ასევე მნიშვნელოვანია ინფრასტრუქტურული ცვლილებები - დანეული სიჩქარის ზონების შექმნა სკოლებთან, საავადმყოფოებთან და პარკებთან, დამატრეკილი ბარიერები და საგზაო ნიშნების გაუმჯობესება.

დასახლებულ პუნქტებში უსაფრთხოების დაცვა ერთობლივი ძალისხმევით არის შესაძლებელი. მძღოლების პასუხისმგებლობა, სახელმწიფოს მკაცრი კონტროლი და საზოგადოების ცნობიერება - ეს ყველაფერი ერთად უზრუნველყოფს იმ გარემოს, სადაც ადამიანები შეძლებენ მშვიდად და უსაფრთხოდ გადაადგილებას.

— **ელზა ხარაშვილი**

80 წელი მეორე მსოფლიო ომის დასრულებიდან

„გრუშკიანთ“ ივანე — ომგამოვლილი მასწავლებელი ზემო ქედთან

ზემო ქედში ივანე ნიკლაური ყველასთვის საყვარელი მასწავლებელი იყო. ჯარში გაკვეთილიდან წაიყვანეს და თავი სამამულო ომში ამოყო. ომიდანაც უვნებელი დაბრუნდა და კვლავ მასწავლებლობა გააგრძელა. ერთი წლის წინ მისი ცხოვრებიდან ერთი პატარა ჩანახატი გამოვქვეყნეთ, ახლა კი მხარეთმცოდნეობის მუზეუმში მივაკვლიეთ „გრუშკიანთ ივანეს“ ხელით ფურცლებზე ვრცლად დაწერილ მოგონებებს, რომელიც ფრონტის თავგადასავლებს ეხება და საინტერესო დეტალებს თავადვე გვიაშკებებს.

ივანე გიორგის ძე ნიკლაური: „დავიბადე ახლადფუხადგმულ სოფელ ზემო ქედში, 1921 წლის 14 იანვარს, ღარიბი გლეხის ოჯახში. დავიბადე ერთ მოწულ ქოხში, სადაც დილის მზე ძლივსა წვდებოდა, დილიდან დაღამებამდე მზის სითბო არსით არა ხვდებოდა. ბავშვობიდან ამეყა სიღარიბის დუხჭირი ცხოვრება. სკოლამდელ ასაკში ჩემი დისგან, რომელიც ახალგაზრდული უფრედის ხელმძღვანელი იყო, შევისწავლე წერა-კითხვა. მე თვითონ მივუმატე ხატვა. ვწერდი და ვხატავდი მტკვრზე, ლუმელის კედლებზე და კვამლსადენებზე. დაწყებითი განათლება ზემო ქედის სკოლაში მივიღე. 1936 წელს წარჩინებით დავამთავრე შვიდწლედ. სწავლის გაგრძელებაზე აღარ მიფიქრია. ან სად უნდა წავსულიყავი, საშუალო სკოლა ზემო ქედში გვიან გაიხსნა. მდგომარეობამ მიკარნახა სამუშაოდ წავსულიყავი კომუნაში, რომლის წევრი გავხდით 1927 წელს, დაარსების მეორე წლიდან. როცა დილიჩაში, სათიბ მანქანაზე მესრედ ვმუშაობდი, ჩემი მოფელში დაბრუნების განკარგულება მოეწყო. მიბარებდა კობა ჩოხელი და სკოლის დირექტორი ლადო მელიქიშვილი. სწორედ მათი წყალობით 1936 წელს 5 სექტემბრიდან მოვეწყე სიღნაღის პედაგოგიურ სასწავლებელში. 1939 წელს დავამთავრე და მუშაობა დავიწყე ჩემივე სოფელში მასწავლებლად.

ძალზე მოკლე აღმოჩნდა სკოლაში ჩემი მასწავლებლობა. 1939 წლის დეკემბერშივე გამომიძახეს სამხედრო კომისარიატში. ქ. სიღნაღში კომისიაზე გავლის შემდეგ სახლში დაუბრუნებლად გამიწვიეს საჯალდებულო სამხედრო სამსახურში. პირველი თვეები და პირველი ძალზე უჩვეულო ზამთარი უკრაინაში, ვინიცის ოლქის ქალაქ გაისინში გავატარე. ამ პარტიველმა კალიან ბაჰრნი ვიყავით. მართო ჩვენი სოფლიდან ერთ დღეს ერთ ნაწილში 36 ახალგაზრდა ვიყავით. მათ შორის სამი მასწავლებელი, მე, ვანო ნიკლაური და სიმონ ტყამალაძე. გამოზავსულებისას დავტოვეთ ქალაქი და დაიწყეთ სვლა გაუგებარი მიმართულებით. 1940 წლის აგვისტოში ჩვენი ნაწილი პირველი შევიდა ბესარაბიაში შემოერთების მიზნით. ბესარაბიიდან კვლავ უკრაინაში და იქიდან დასავლეთ უკრაინაში დავბრუნდით. მე სწორედ აქედან წამიყვანეს სამხედრო საჰაერო ტექნიკურ სასწავლებელში. მინდოდა მფრინავი ვყოფილიყავი. ბავშვობიდანვე მომწონდა ეს პროფესია. იმდენად მიყვარდა, ხის, ფანერის, კარდონისა და ქალაღლისგან თვითმფრინავების სხვადასხვა მოდელებს ვამზადებდი. ზოგიერთი კარგად გამომდიოდა და კარგად დაფრინავდა. სასწავლებელში ვერ მოვხვდი რუსული ენის უცოდინრობის გამო. დავამთავრე სამხედრო საჰაერო იარაღების სპეციალობა. ომის დაწყების წინა თვეს სასწავლებლიდან განაწილებით გამიძვეს საჰაერო გამანადგურებელ 165-ე პოლკში, რომელიც იდგა ლვოვის ოლქის ქალაქ სტრიში. ეს იყო ჩემი პირველი პრაქტიკული და

დამოუკიდებელი სამსახური საბრძოლო თვითმფრინავებზე. აქვე დავიწყე თვითნაკეთი დანადგარის აწყობა, რომლითაც სროლის წარმოება შეიძლებოდა. ეს ცოდნა ერთი ამხანაგისგან მივიღე, მაგრამ ვერ დავასრულე, ომი დაიწყო...

პოლკში შტაბის უფროსის ველესიანის გარდა ქართველი არავინ იყო, მინდა შევეხო ომის დაწყების პირველ დღესა და წუთებსაც კი. შაბათს, 21 ივნისს ნაშუადღევს მოსული ბრძანების მიხედვით, სამის გარდა, ყველა თვითმფრინავიდან მოვხსენით იარაღი და სახელოსნო-



მეზობელი პოლკის თვითმფრინავებზე ჩავთვალეთ. მაგრამ, აფეთქებები, ხანძრები, დაჭრილთა გოდება გვამცნობდა, რომ საქმე სერიოზულად იყო. იმ დილას ჩვენმა პოლკმა 5 თვითმფრინავი ისე დაკარგა, ჰაერშიც არ ასულან. დილის საათებში მოიტანეს ბენზინი, გამოუცდელი და ახალგაზრდები ვიყავით, ამიტომ დიდი შიშითა და მალევით ჩავასხით საწვავი და თვითმფრინავები გავამზადეთ. ჩვენმა მფრინავებმა მოასწერეს კიდეც 3-4 საბრძოლო გაფრენა და ორი საჰაერო ბრძოლა ჩვენს თავზე. ჩამოვადეს მტრის 2 თვითმფრინავი. საღამო ხანს უკან, ახალ აეროდრომზე გადმოვედით. ჩვენი პოლკი და ესკადრილია, რომლის შემადგენლობაშიც ვიყავი, 8 და ზოგჯერ მეტ გაფრენას ახდენდა მტრის თავზე. პოლკი ღამით არ ფრენდა, ამიტომ ღამით ტექნიკას ვამზადებდით მეორე დღეს გასაფრენად.

აეროდრომებს ხშირად ვიცვლიდით, უკან ვბრუნდებოდით, ჩვენ რომელიმე ტრანსპორტით, მფრინავები თვითმფრინავებით. მალე გამოიჩინა გადაწველების უფრო სწრაფი საშუალება.

მეზობლის ჩანახატი

ერთი ასეთი ეპიზოდიც მახსენდება, ბრძოლა დაჭრილი თვითმფრინავთან: უკან მოვდიოდით, როცა სანინალმდე გო მხრიდან დაბალ სიმაღლეზე მომავალი თვითმფრინავი შევნიშნეთ. მანქანა გაჩერდა, ყველა გადახტა. მე კი რატომღაც მარტო აღმოვჩნდი ძარაზე, ყოველგვარი აღჭურვილობის გარეშე. დაუფიქრებლად მივევარდი საზენიტო დანადგარს, ახლო მანძილიდან მოვასწარი ორი რიგის მიცემა. თვითმფრინავმა თავზე გადამიფრინა. ზურგიდან მივაყოლე კიდეც ორიოდე რიგი, მაგრამ როგორც თანამებრძოლებმა შემდეგ მითხრეს, უკვე საჭრო აღარ იყო. პირველივე სროლისას ძრავა აბოლდა, თვითმფრინავმა სიმაღლის კარგვა დაიწყო. სადღაც ტყის სიღრმიდან აფეთქების ხმაც გაისმა. თურმე მას საბჭოთა გამანადგურებელიც მოსდევდა, მაგრამ ის კარგა შორს ყოფილა. მალე მანაც გადავავიფრინა, მოგვესალმნენ და ალბათ გამარჯვებაც მოგვილოცეს, მაგრამ შეიძლება ეწყინათ კიდეც, კარგი ლუკმა რომ წავართვით. მაშინ პოლკში ვინრო წრე მიცნობდა. სულ ერთი თვის მისული ვიყავი, მერე კი ბევრი გულშემატკივარი გამიჩნდა.



ივანე ნიკლაური, შალიკო ვარძუკაშვილი, სტეფანე ციხიშვილი 1981 წ. მაისი

მიხედვით უნდა ამეყვანა 5 სხვა. ჩემს კარავში მაცხოვრებლები წავიყვანე. გათენებამდე ვუვლიდით გარნიზონს, მეორე დღეს კი თავისუფალი ვიყავით, მაგრამ... კვირას უთენია, უფრო ზუსტად 4:20 საათზე საბრძოლო განგაში გამოცხადდა. ამავე დროს თითქმის დაბომბვამაც მოგვყვით. შავი ჯვაროსანი თვითმფრინავები ისე დაბლა მოძრაობდნენ, სიბნელეში ფაშისტურ ნიშნებს ვერ ვარკვევდით. თავიდან ტაქტიკური მეცადინეობა გვეგონა,

რომელიც ალბათ მნიშვნელოვანი ტვირთი იყო და მტერს არ უნდა გამოეყენებინა. ეს ხდებოდა ქალაქ უმანთან. დავაპირეთ ბრძანების შესრულება, მაგრამ სისრულეში ვერ მოვიყვანეთ. ჩვენთან მოვიდა ოფიცერი, რომელმაც ჯერ გვთხოვა, მერე გვიბრძანა, დავხმარებოდით მტრის შემოტევების მოგერიებაში. შეტევა იწყებოდა და ტყის პირას, სადაც არტილერიისგან ჩამომდგარიყვნენ, უცნობმა მოკლედ გაგვაცნო სროლის ტე-

ქნიკა. შემოტევა დაიწყო, სულ 6 ტანკი მოინედა ჩვენსკენ დესანტით. ამან ნაადრევად პანიკა შექმნა უმანში და ქალაქი დაიწალა. გზები გადატვირთული იყო ხალხით. ბრძანებისთანავე გავხსენით ცეცხლი, ტანკი სვლას განაგრძობდა. ყუმბარა გასცდა, მეორემ იქამდე ვერ მიიღწია, მესამე სროლაზე კი გვერდით მოტრიალდა და გაჩერდა. სხვა გათვლებითაც შეეძლოთ სამი ტანკის მოსპობა. ფეხოსან მტერს კი მერე გავუმასპინძლდით. იერიში წარმატებით მოვიგერიეთ. ჩვენთან მსუბუქი მანქანა შეჩერდა, მიხმეს, ეტყობოდა დიდი მეთაური იყო. ვინაობა გამომკითხა, ხელი მომხვია და შემაქო. ჩემი ამხანაგი დაჭრილი წაიყვანეს და აღარასოდეს აღარ მიხსნია. მეთაურმა ადიუტანტს უბრძანა ჯილდოზე წარვედგინე და ბლანკი შეავსეს. გაზეთშიც გამოქვეყნდა სტატია სათაურით „ავიატორი არტილერიისტი“. ამ გაზეთს დიდხანს ვინახავდი, მერე დამეწვია. ამავე მანქანით დავენიეთ ჩვენს ნაწილს. გეზი ნოვოჩერკასკისაკენ ავიღეთ. ამაზე პოლკში კი არა დივიზიაშიც კი ლაპარაკობდნენ. მთავრობის ჯილდო მამაცობისთვის მალე მივიღე, მეორეზე პასუხი დიდხანს არ ჩანდა და დავივიწყე. და აი, 1943 წლის გაზაფხულზე მივიღე ჯილდო, მესამე ხარისხის ორდენი „დიდება“. ამავე წლიდან „სტარშინის“ წოდებით დამნიშნეს ესკადრილის ინჟინერის მოადგილედ საჰაერო იარაღის დარგში. ომის დამთავრებამდე ამ თანამდებობაზე ვიყავი. ამავე წლის მაისში მიმიღეს საბჭოთა კავშირის კომუნისტური პარტიის რიგებში კანდიდატად. მიუხედავად იმისა, რომ კომკავშირის ბილეთი, რომელიც ომის პირველივე დილას აღმოვადებული კარვით დიღეს გამოვიტანე და გადავარჩინე, მაღვე გაუგებარ ვითარებაში დავკარგე. პერიოდულად პოლკის ინჟინერის მოვალეობაც ვასრულებდი. 1944 წლის მაისიდან შეთავსებით ვიყავი ესკადრილის ძირეული პარტიული ორგანიზაციის მდივანი. ჩვენს პოლკს ევალებოდა ქალაქ გორკის დაცვა და სამხრეთდასავლეთის ფრონტების შევსება.

1941 წელს შერჩენილი თვითმფრინავები მეზობელ პოლკს გადასცეს. ჩვენი პოლკი კი ახალი თვითმფრინავების შესარჩევად მოსკოვში ჩავიდა. იქ ორი თვე ვმეცადინებოდით, დილით ათვისებებს ვუწოდებოდით, ღამით საბრძოლო მოქმედებებში ვესმარებოდით. ასე რომ მოსკოვის დაცვაშიც ვმონაწილეობდით. დეკემბრის ნახევარში კი ქ. გორკში ახალი თვითმფრინავებით გავგაგზავნეს, ერთი წლის შემდეგ კი პოლკი კიდეც ახალი თვითმფრინავებით აღიჭურვა. 1943 წლიდან ჩვენი პოლკი მთლიანად სპეციალური ბრძანებით იყო ქ. გორკის დაცვის ძირითადი ძალა. ომის დასრულებამდე აქვე დავრჩით. პერიოდულად ფრონტებზე მიხმარებას ვახდენდით, დღეში 8-10 გაფრენისთვის ვამზადებდით თვითმფრინავებს. 1944 წელს ჩვენი პოლკი უკვე დაჯილდოვდა მთავრობის ჯილდოებით. მათ შორის მე მივიღე მედალი „საბრძოლო დამსახურებისთვის“, ეს ჩვენს პოლკში პირველი ჯილდოები იყო. პოლკში პირველი შევბუღება მე მხვდა წილად. 15 მაისიდან 1 თვით სახლში ვიყავი. 1945 წელს, ომის დასრულების შემდეგ კი დამაჯილდოვეს მედლით „გერმანიაზე გამარჯვებისთვის“. 1946 წლის 12 მაისიდან უმცროსი ლეიტენანტის წოდებით დავბრუნდი სოფელ ზემო ქედში. მუშაობა გავაგრძელე დაწყებითი სამხედრო მომზადების მასწავლებლად იმავე სკოლაში, სადაც ვმუშაობდი. 1948 წლიდან შეთავსებით ვმუშაობდი ზემო ქედის კულტსახლის დირექტორად, რათა სტაჟი მომეგროვებინა. 1976 წელს განათლების დარგში დამაჯილდოვეს „საპატიო ნიშნის“ ორდენით. მიღებული მაქვს სხვა მრავალი მედალიც“.

ილია მარტყოფლიშვილი

რატომ ჩამოდიოდა გაჟა-ფშაველა თუქურმიშასა და ქედში? საუკუნის ამბები

დიმიტრი ჯალიაშვილი 1875 წელს სიღნაღის მაზრის სოფელ ფანიაში დაიბადა. მაშინ დედოფლისწყაროს სიღნაღს ეკუთვნოდა. სხვების მსგავსად დიმიტრისაც მოუხდა ემუშავა დედოფლისწყაროში. მისი მონათხრობი 1961 წელს იოსებ ქართველიშვილმა ჩაინერა და „შირაქის“ რედაქციას გადასცა. მაშინ დიმიტრი 86 წლის იყო და ბევრი საინტერესო დეტალი შემოუნახა ისტორიას. მოსაყოლი კიდევ ბევრი იყო, მაგრამ, ჩანერა ველარ მოესწრო.

„თვითმპყრობელური მეფის რუსეთის წინააღმდეგ მებრძოლი ფილიპე მახარაძე გადასახლების სასჯელს ქვემო მაჩხაანში იხდიდა და იქვე დეპოში მოღარედ მუშაობდა. 1900 წელს ქვემო მაჩხაანის თემში შედიოდა სოფლები ზემო მაჩხაანი და მირზაანიც.

1903 წელს დუშეთისა და თიანეთის მთის უღარიბესმა მოსახლეობამ თვითნებურად დაიწყო შირაქში ჩამოსახლება. ეს არ ეპიტანავათ სიღნაღის მაზრის მდიდარ მესაქონლეებს, რომელთაც შირაქის ველზე ათასობით სული ცხვარი, ასეულობით ძროხა და ცხენი, ასევე რამდენიმე ათეული მოჯამაგირე ჰყავდათ. ნუხდენე, თითქოს მათ საძოვარი მინდორი შეუმცირებოდათ. ჩამოსახლებულებმა ცხოვრება დაიწყეს ქედების ყაშების გაყოლებათზე.

სიღნაღის მომრიგებელმა მოსამართლე საშა ჯორჯაძემ დაგვიბარა ქიზიყის სასოფლო თემის მდივნები, მოგვცა სახელმწიფო ღერბიანი ფურცლები და დაგვავალა „განაჩენი“ შეადგინეთო. უნდა დაგვეწერა, რომ მთიდან ხელმოკლე ოჯახებს ჩამოსახლება სურდათ შირაქში. რადგან ალაზნან-შირაქ-ივრის ველები ადმინისტრაციულად სიღნაღის მაზრას ექვემდებარებოდა, უნდა დაგვეწერა, რომ ჩვენ თანახმა ვიყავით ამაზე. განაჩენის წერისას ვიყავით ქვემო მაჩხაანიდან მე,

ზემო მაჩხაანიდან — მკალავი თომა ტოკლიკიშვილი, მირზაანიდან — ალექსანდრე გომელაური, ბოდბისხევიდან მირზაანელი გიგო გომელაური. ეს განაჩენი ჯორჯაძემ მთავრობაში წაიღო. მასთან ახლოს ვიყავი და ერთხელ საიდუმლოდ გამიმხილა, სოფლებს ბანაჩანი იმითომ შიშაღბანიდნით, ეს პაპა ფშაველამ მითხრობდა. მას იმდენად დიდ პატივს ვცემ, მისი გულისთვის ცეცხლში ჩავდებო. გაჟა ფშაველა არც სიღნაღში მენახა, არც ქვემო მაჩხაანში, ის კი ვიცოდი, რომ ქვემო მაჩხაანში დიმიტრი მაჩხანელთან ყოფილა და ამბობენ, სურათიც აქვთ გადაღებულიო. გაჟა-ფშაველას და დიმიტრი მაჩხანელს განუთქმები ვკითხულობდი და მათი მოყვარული ვიყავი. დღემდე ზეპირად მახსოვს გაჟას ლექსი:

„მოგესალმებით ქედებო, მომაქეს სალაში, გვიანია“..

1913 წელს გაზაფხულზე გაჟა-ფშაველას შეეხვდა, როცა მეცხვარეები ალაზნის, შირაქისა და ივრის ველებიდან მთაში გასამგზავრებლად ემზადებოდნენ. ცხვარს იქვე პარსავდნენ, იმ დროს მე მატყლის შემსყიდველი ვიყავი. შემსყიდველები ასევე იყვნენ ბოდბისხეველი მიმო ბატიაშვილი, მირზაანელი ლადო ალუღიშვილი. მე მატყლს ვყიდულობდი ქედებში, ალუღიშვილი ტარიბანში, ფუთ მატყლში მწვემს 5 მანეთს ვაძლევდით. ერთხელ მატყლის ყიდვა რომ დავამთავრე, ხაზინის ვთხოვე რამდენიმე დღე გამიშვი მეთქი. მელნიეკეს დაუძახა, რომელსაც 4 ცხენი ება და უთხრა ქედებში გაყოლო. მე ლინიეკის ერთ მხარეს ვიჯექი, მეორე მხარეს უცნობი კაცი იჯდა, ასე გავცხვარე ქედებში. ბოდბისხევის კალებს რომ მივუახლოვდით, მაშინლა გამოვეხმიანეთ ერთმანეთს, მე ჩემი ვუთხარი, იმან თავისი და გავოცდი,

როცა გავიგე, რომ თანამგზავრი გაჟა-ფშაველა იყო. ჩემს სიხარულს საზღვარი არ ჰქონდა, უფრო მოკრძალებული საუბარი დაეწყო. გაჟამ მითხრა: „დიმიტრი, შენ ივანე ნიბლოშვილის დაქირავებული მოჯამაგირე ხარ, შენი დახმარებით მეცხვარეებს შესყიდვაში ატყუებ. ჩარგლიდან შირაქში ამიტომ ჩამოვედი, ნიბლოშვილს მატყლი 2-3 მანეთად უნდოდაო. ზემო ქედის მამასახლისი გრიგორი ვარდაშვილი, ასევე ქვემო ქედის მამასახლისი ბერო აპრილაშვილი გაჟაქეზე, მეცხვარეები გაეფრთხილებინათ მატყლი 5 მანეთზე ნაკლებ არ გაყიდონო. გაჟა-ფშაველასთან ამ დილაგამ 1903 წელი გამახსენა, ს. ჯორჯაძემ მაშინ ერთი საიდუმლო გამიმხილა. ეს ამბავი გაჟას ჩაუფუკავდ. მან გაიღიმა, მხარზე ხელი დამკრა, ყოჩაღო მითხრა და ხელი ჩამომართვა. „მეგონა ქედელების მოცოდომადლე მარტო მე ვიყავი, თურმე წილი შენცა გქონიაო“. ზემოთ ხსენებული განაჩენები ჩემი თხოვნით დაგანერინათო. ამ საუბრით ჩამოვედით თუქურმიშაში. იმ დღეს გაჟა თუქურმიშაში დარჩა, წანალაშვილებთან, მე კი ფანიაში წავედი.

1924 წელს ზემო ქედში მუშაობა დავინწყე სასოფლო საბჭოს მდივნად. იქ გაჟას მცნობთაგან ხშირად მესმოდა, რომ გაჟას მდიდარი თუმი მეცხვარეების მარშალ-თავკაცის სანდრო ცისკარაშვილისათვის უთქვამს — „სადაც მე ქუდმოუხდელად შევალ, შენ იქ არ მიგილენო“. მინატრია, ერთი წამოახედა გაჟა და აჩვენა, მის ჩამოსახლებულ მთიელებს, რომლებიც ნაგომრებში ცხოვრობდნენ, ახლა როგორი ქვითკირის სახლები წამოუჭიმავთ, განაპირა ქალაქს წააგავს ერთმანეთზე გადაბმული ქედის სამი დიდი სოფელი“.

ილია მარტყოფიშვილი

სარედაქციო ფოსტა

9 მაისს ფაშიზმზე გამარჯვების 80 წლისთავია, ყველას ვულოცავ ამ თარიღს. ახლაც ყურებში ჩამესმის ომის სამინელი გრუზუნის ხმა კავკასიონიდან. ალაგ-ალაგ წერტილები ნათდებოდა და თვითმფრინავების ხმა გვესმოდა. პატარა ვიყავი და კავკასიონისკენ ყოველ დღე დამფრთხალი ირემივით ვიყურებოდი. ჩვენი სოფლის მოპირდაპირე მხარეს გაყვურბდი და მეგონა აი, ახლა დაგვობმბავენ, ან ახლა მეთქი. მახსოვს, ღამე მშობლები ჩაცმულს გადინებდნენ, რომ თვითმფრინავების ხმის გაგონებაზე მაშინვე ტყისთვის შეგვეფარებინათ თავი. სინათლეს ვერ ვანთებდით, მხოლოდ ღამფის ბუფტავი ალით ვსარგებლობდით. მშობლებს ძილისთვისაც არ ეცალათ. დედაჩემი მესამე შვილს ელოდებოდა და ტირილით უვლიდა მაგიდას გარშემო. ორგვარი შიში იყო, მშვიდობიანად მოახერხებდა თუ არა მშობიარობას და როგორ გადავრჩებოდით მისი მცირეწლოვანი შვილები. დედას ტკი-

ვლები რომ დაეწყო მამამ ნათესავთან წავიყვანა ღამის გასათევად. მე 4 წლის ვიყავი, ხელში აყვანილი მიგყავდი, გზაში ვტიროდი, მეშინოდა გერმანელების. თვითმფრინავები ძლიერი ხმაურით მოფრინავდნენ, პროჟექტორების ნათება უფრო სამიშს ხდიდა ამ ხმაურს. ვხედავდი როგორ ნათდებოდა კავკასიონის იქით და ისმოდა ხმაური. ტირილს კი უფრო ვუმატებდი. ჩემი და უფროსი იყო და არ ტიროდა, ჩუმად იყო. ასე შიშით მივალნიეთ ნათესავთან, მამამ წინა დეიდასთან დაგვტოვა და სახლში დაბრუნდა მშობიარე ცოლთან, წინა დეიდაც თან წაიყვანა, რომ ექიმებს მშობიარობაში დახმარებოდა. რომ გათენდა გავიგეთ, ჩემი მესამე და გარეწილიყო. წინა დეიდას დაულოცნია: „ბავშვის გაჩენა და ომის დამთავრებაო“. 10 აპრილს ბავშვი დაიბადა და 9 მაისს ომი მართლაც დამთავრდა. ამან დიდად გაახარა მთელი ოჯახი და ქვეყანა. მართალია ბიჭი უნდოდათ და გოგო გაჩნდა, მაგრამ ომის დამთავრებამ სიხარული მოიტანა. ჩემს დაიკოს სტალინის შვილის, ნათელას

სახელი დაარქვეს. ამით სტალინს, ჩვენს გადამრჩენელს მადლობა გადაუხადეს შორიდან, რადგან მშვიდობა იქნებოდა და ყველა გადავრჩებოდით.

1945 წლის 9 მაისმა ყველას გული გაახარა, მაგრამ ჩემი და ბევრის ნათესავები შეინდო. დედაჩემის დის ქმარი თედო კვეზერელი, 4 შვილის მამა, ვერც კი გაიგეს სად და რომელ ქალაქში მოკლეს ფაშისტებმა. აგრეთვე საწოლის ქვეშ მკვდარი უნახავთ დედას ბიძაშვილი ქიტა ოდიშელიძე, ისიც 4 შვილის მამა. დედას ბიძაშვილი ნიკო ოდიშელიძე მშვიდობით ჩამოვიდა სახლში, გადაურჩა სიკვდილს, თუმცა ცალხელიანი დარჩა. თვალწინ მიდგას შემას ცალი ხელით როგორ ჩეხავდა. ასევე მეზობელი ნიკუშა თუნიშვილი რომ დაბრუნდა ფრონტიდან, ყველას უყვებოდა თავისი ტყვედ ყოფნის პერიოდს, როცა გერმანიაში ჰყავდათ, ამბობდა ყველას ბაყაყის კონსერვებს აჭმევდნენო. გონაშვილი კოლა ცალი ფეხით და კასტოლებით ჩამოვიდა თავის ცოლ-შვილთან. ჩემი მამამთილი გოგია იაკობიშვილი, 7 წლის შემდეგ ჩამო-

ვიდა, ცუდ პირობებში იბრძოდა და გვიან მოუწია დაბრუნება.

როგორც ჩემი მამამთილი იხსენებდა: ომის დროს შემოვლაზე ერთ სახლში ნახეს პატარა ბავშვი, რომელიც ოთახში ტიროდა. პოლიციამ წაიყვანა და სიკვდილს გადაარჩინა. ტანსაცმელზე ეწერა, რომ ირინა ერეკა. მისი გადარჩენისთვის მადლობა დაიმსახურა. ომიდან დაბრუნების შემდეგ მამამთილს კიდევ ეყოლა ბიჭი და გოგო, ხოლო მოგვიანებით თავის შვილიშვილს ირინა დაარქვა იმ ბავშვის საპატივსაცემოდ.

ამ ომში მრავალი ქართველი დაიღუპა. ახლა ომის მხოლოდ ერთი მონაწილე ცხოვრობს დედოფლისწყაროში, ესაა ნიკო შანშიაშვილი, რომელიც ჯანმრთელია და კიდევ დიდხანს იცოცხლებს. ღმერთს ვთხოვ, ალარ გვაჩვენოს ომი და სულ მშვიდობა იყოს ყველგან, საქართველოშიც და მსოფლიოშიც.

ნანული ღვინიაშვილ-იაკობიშვილი, 84 წლის, „შირაქის“ სტამბა-რედაქციის ყოფილი თანამშრომელი, ლინოტიპისტი, გაზეთის დამკაბადონებელი.

აღამიანი—მანიჰულატორი

დებულება აღამიანის მუდმივ კონფლიქტში თუ რაში ჰპოვოს საყრდენი —საკუთარ თავში თუ გარე სამყაროში. აღამიანი არასოდეს ენდობა საკუთარ თავს მთლიანად. ცნობიერად თუ არაცნობიერად იგი თვლის, რომ მისი „ხსნა“ სხვებშია, მაგრამ ამ „სხვებსაც“ რომ ვერ ენდობა მთლიანად! ამიტომ ირჩევს იგი მანიჰულაციის მოღიწულ ბილიკს, რათა შეძლოს სხვების კონტროლირება და ასეთ პირობებში მათ შედარებით მეტად ენდოს. არსებობს მანიჰულაციის სხვა მიზეზიც — ნამდვილი სიყვარულის უუნარობა. აღამიანი უმეტესობას მეტად ბუნდოვანი წარმოდგენა აქვს იმაზე, თუ რას ნიშნავს ნამდვილი სიყვარული. ბევრი თვლის რომ, რომ რაც უფრო უკეთესი და სრულყოფილი გახდება, მით უფრო დიდ სიყვარულს დაიმსახურებს.სინამდვილეში კი სულაც არ არის ასე. ამიტომ მანიჰულატორს სიყვარულის საცოდავი ალტერნატივა რჩება — სრული ძალაუფლება სხვა პიროვნებაზე, ძალაუფლება, რომელიც აიძულებს სხვას აკეთოს ის, რაც მანიჰულატორს უნდა, იფიქროს ისე, როგორც მას სურს და ურჩევნია.

ექსისტენციალისტი ფსიქოლოგები მანიჰულაციის სხვა მიზეზებსაც ვარაუდობენ. რისკი და გაურკვევლობა, ამბობენ ისინი, გარს გვაკრავს ყოველი მხრიდან. „მთელი ცხოვრება — რისკი და გაურკვევლობაა. ჩვენ დაუცველები ვართ და ყოველ წუთს შეიძლება რაიმე უბედურება დაგვატყდეს თავს. აღამიანი სრულად უძლიერად გრძნობს თავს ამ ექსისტენციალური პრობლემის წინაშე. ამ დროს მანიჰულატორმა შეიძლება პასიური პოზიცია დაიკავოს, ხელში აწიოს და განაცხადოს: „მე აღარაფერი შემიძლია, მიქენით, რაც გინდა!“. მაგრამ მაშინაც, როცა ის ინერ-

ტული ხდება და მთლიანად გადაიქცევა თავს მანიჰულაციის ობიექტად, მაშინაც, როცა გამოუცდელ თევალს ეჩვენება, რომ იგი აქტიური მანიჰულატორის მსხვერპლი გახდა — სწორედ მაშინ „აკეთებს საქმეს“ მისი უმწეობა. დამტკიცებულია, რომ ასეთ დროს ყოველთვის პასიური მხარე იმარჯვებს. ყველას გვინახავს უმწეო და უსუსური ქალიშვილი როგორმ აღწევს მის წინა და ძალმოსილ ცოლად გადაიქცევა. თუმცა შესაძლებელია შემდგომშიც გააგრძელოს თავისი უმწეობით მანიჰულირება და საბოლოო ჯამში ქმარი - დიქტატორი გამოუვალი ჩიხში მოამწყვდოს.

ერთი სიტყვით, მანიჰულაციის ერთ-ერთი მთავარი მიზეზი უნდობლობაა. სხვა, არანაკლებ მნიშვნელოვანი მიზეზებია მჭიდრო, მყარი, ღრმა აღამიანური ურთიერთობების უუნარობა და შეგნებულად თუ შეუგნებლად თავის არიდება, მეტიც, გაქცევა, საკუთარ ემოციებზე კონტროლის შენარჩუნება, პრობლემურ, გართულებულ სიტუაციებში მოხვედრის შიში და სხვა.

მანიჰულატორობა ეს როლებია და თამაშების მთელი სისტემა, ეს სტლია, ცხოვრების თუმიცა, მცდარი, მაგრამ ფილოსოფია. მანიჰულატორობის იმდენი ხერხი არსებობს, რომ მათი ჩამოთვლა შორს წავიყვანს, მაგრამ თუ დავფიქრებთ, დავუკვირდებით ჩვენს თავს, ჩვენს ოჯახს, აღამიანთა წრეს, რომელშიც ვტრიალებთ—ადვილად შევამჩნევთ, რომ

ყოველდღიურად ვხვდებით დიქტატორ-მანიჰულატორებს, ხელმძღვანელებს, თანამდებობის პირებს, პედაგოგებს, გვეხვებიან კონფორმისტები, ექვნიანი, სულელი, მუდამ დარცხვენილი მანიჰულატორებიც, საქმიანი და თაღლითი, მუქთახორა, ხულიგანი, აწხლი ან პირიქით—მორალისტი,„კარგი ბიჭი“,„საქმის მკეთებელი მანიჰულატორები. მანიჰულატორობა არა მხოლოდ ავტოტარიზმითა და ძალდატანებით, წუწუნითა და სიცრუით, არამედ გადამეტებული სიყვარულითა და ზრუნვითაც ხდება.

რალა თქმა უნდა, ზოგიერთი მანიჰულატორული ნაბიჯი ნამდვილად სჭირდება აღამიანს არსებობისთვის. მაგრამ ჩვენი მანიჰულაციების უმეტესობა დამლუპველად მოქმედებს ჩვენსავე ცხოვრებაზე და ჩვენი ახლობლების ყოფაზეც. თანამედროვე აღამიანმა თავისი უსასრულო მანიჰულაციებით ღამის არის დაკარგოს თავისი თავის, თავის უნარების, თავისი მე—ს პირდაპირი და შემოქმედებითი გამოხატვის შესაძლებლობა.

ყველა აღამიანში ღვივის „ღვთის ნაპერწკალი“, ყველას აქვს უნარი საკუთარი პოტენციალის გაღვიძებისა, ყველას შეუძლია გაიაროს გზა საკუთარი თავისკენ და მიაღწიოს იმ თვითგამოხატვას, თვითგანხორციელებას, თვითაქტუალიზაციას, რომლისკენაც მისწრაფოდნენ ყველა დროის შეგნებული აღამიანები. აღამიანის ასეთ ტიპზე - აქტუალიზატორზე შემდგომში გვექნება საუბარი.

ბასარიონ გიგოლაშვილი, ფსიქოლოგი

ნაირა, ციხელი, გულნარა გორაშვილები ოჯახებით იუნყებიან დეიდაშვილის თამაზ ცაპაშვილის გარდაცვალებას და თანაგრძნობას უტყვადებენ, მეუღლეს — ლალი მარტყოფიშვილის, შვილებს: მეუფე სკიმიტა და თინიკო ცაპაშვილის ოჯახს მამის გარდაცვალების გამო. დაიკრძალა, 8 მაისს სოფელ ზემო მაჩხაანში.

მაინც რატომ მიმართავენ ადა-მიანი მანიჰულაციას? მანიჰულაციის ძირითადი მიზეზი ჩაბუ-

გიორგი მაზიაშვილი ებრაულ სერიალში გადაიღეს

დედოფლისწყაროში მცხოვრები 21 წლის გიორგი მაზიაშვილი სამსახიობო კარიერისთვის ემზადება. ასაკის მიუხედავად ის რამდენიმე ქართულ და უცხოურ პროექტში უკვე მონაწილეობდა, გადაიღეს სერიალებშიც. ადგილობრივებს ის ახალგაზრდული თეატრ „ბერიკონის“ სპექტაკლებიდან ახსოვთ, სადაც სასცენო ნათლობა ჯერ კიდევ ბავშვობიდან ცარო მარტიაშვილთან მიიღო.

გიორგი მაზიაშვილი: „ჩემი ახალგაზრდულ თეატრ „ბერიკონში“ მისვლა ბებიის, ფატმან ჯალიაშვილის, დამსახურება იყო. ჯერ კიდევ სკოლაში სწავლის პერიოდში მიჩნა, მეცადა და თეატრში შეესულიყავი. მანამდე ძალიან მკაფიო წარმოდგენა არც კი მქონდა, რა ხდებოდა თეატრში, როგორი შეგრძნებაა სპექტაკლში მონაწილეობა, მაგრამ მაინც მოვსინჯე. თავდაპირველად, ენის გასატყეობით ვარჯიშისას სიტყვების გამართულად წარმოთქმა მიჭირდა. ამის გამო ცოტას ვწერვოლობდი, მაგრამ ქალბატონი ცარო მარტიაშვილის დახმარებით ყველაფერი მარტივად გადავლახე. გვასწავლა, როგორ უნდა გვემუშავა, საინტერესო რჩევებს გვაძლევდა და განვითარებაში გვეხმარებოდა, ეს ჩემთვის დიდი მოტივაცია იყო.“

უფრო სერიოზულად მოვეკიდე რეპეტიციებს, როცა სპექტაკლ „ბასიანს“ ვდგამდით. ვცდილობდი, მეტი მემუშავა საკუთარ როლზე და სცენაზე კარგად წარმოვჩენილიყავი. ეს პროცესი ძალიან საინტერესო აღმოჩნდა. სპექტაკლის ჩვენებისას სცენაზე რომ გავდი, ყველანაირი შიში გამიქრა, მთლიანად როლზე ვკონცენტრირდი. ქალბატონი ცაროს და თეატრის დასის მონაწილეობით ყველაფერმა შესანიშნავად ჩაიარა და მაყურებელიც კმაყოფილი დარჩა, ამან მონდომება კიდევ უფრო შემმატა. „ბერიკონი“ ის ადგილია, სადაც პიროვნულად იზრდები, სწავლობ გუნდურობას და საკუთარი თავის რწმენას. სცენაზე ყველა ერთი მთლიანობაა. თეატრი გასწავლის, როგორ მოუსმინო სხვას, როგორ გააზიარო ემოციები, როგორ გადმოსცე სათქმელი. ვფიქრობ, ეს ყველაფერი ძალიან გვეხმარება ცხოვრებაში და ურთიერთობებში. ახალგაზრდული თეატრის არსებობა განსაკუთრებით მნიშვნელოვანია ჩვენს პატარა ქალაქში. თეატრი თვითგამოხატვის მნიშვნელოვანი ნაწილია და იმედი მაქვს, არასოდეს დაკარგავს აქტუალობას. ჩემთვის „ბერიკონი“ ახალი მეგობრების შეძენის, გამოცდილებების და საკუთარი თავის აღმოჩენის გზა გახდა. ახალგაზრდული თეატრი ყველა ქალაქში უნდა არსებობდეს, რომ ახალგაზრდებს ნიჭის წარმოჩენის შანსი მიეცეს.

— **პროფესიული არჩევანი როგორ გააკეთე?..**

— ქ. დედოფლისწყაროს №1 სკოლის დამთავრების შემდეგ პროფესიული არჩევანის დრო მოვიდა. სამართალი ყოველთვის მაინტერესებდა, მიზიდავდა ეს სფერო, რადგან ყველაფერი სამართლიანობის მოყვარული ადამიანი ვარ. თან ვფიქრობდი, რომ პერსპექტიულიც იყო. ბავშვობიდან მესმოდა, თუ რამდენად მნიშვნელოვანია სამართლიანობა. ამიტომაც, 2020 წელს, საქართველოს ეროვნული უნივერსიტეტის სამართალმცოდნეობაზე

ჩავაბარე, მაგრამ შემდეგ სხვა პროფესიით დავეინტერესდი. ვფიქრობდი, რა სფეროში ვიგრძნობდი თავს უფრო ბედნიერად და კომფორტულად. მივხვდი, რომ ჩემთვის ასეთი იყო ჟურნალისტიკა, უფრო თავისუფალი, აქტიური და ცოცხალი პროფესია. ფაკულტეტის შეცვლა მარტივი არ ყოფილა. მეფიქრებოდა, სწორად ვიქცეოდი თუ არა, ხომ არ დაგვარგავდი იმ შესაძლებლობებს, რაც სამართლის სფეროში შეიძლებოდა მქონოდა.



ავნონ-დავნონე და მესამე კურსიდან ჟურნალისტიკის ფაკულტეტზე გადავედი. როდესაც ჟურნალისტიკის სამყაროში შევაბიჯე, მივხვდი, რომ სწორი არჩევანი იყო. თავი მეტად



თავისუფლად და თავდაჯერებულად ვიგრძენი. კამერებთან მუშაობა განსაკუთრებით მიზიდავს, დიდი ხანი ეს ჰობადაც მქონდა. ამჟამად აკადემიური წელი მაქვს ალბულის, თუმცა, გაგრძელებას ვაპირებ. სტუდენტური ცხოვრება მარტივი არ არის. როცა ახალ სფეროში იწყებ სწავლასა და საქმიანობას, ბევრ სიახლეს უნდა შეეგუო. გავიზარე, რომ ამ ეტაპებს ყველა მოზარდი გადის. მთავარია, ამ სირთულეებს მიღმა ჩემი მიზანია. ამის გააზრების შემდეგ, გამონგეგვებს უფრო ადვილად ვუმკლავდები. ვთვლი, რომ გადანაცვლებების შეცვლა არ არის სისუსტე, პირიქით, სიძლიერეა. ჟურნალისტიკის ფაკულტეტის დამთავრების შემდეგ, ალბათ, უფრო სამსახიობო კარიერისკენ გადავიხრები, მინდა დიდი მსახიობი გახდე. არ მაქვს დაგეგმილი მხოლოდ ფილმებში ვიქნები, თუ თეატრშიც ვითამაშებ. მინდა სტაჟირებაც გავიარო რომელიმე ტელევიზიაში, შეიძლება ტელე სტუდიებმაც მომიხილოს. ისე კი, ოპერატორობა უფრო მიყვარს, ფოტოგრაფიაც მიტაცებს, მიყვარს კამერის წინაც და უკანაც მუშაობა.

— **ფილმებში მონაწილეობის სურვილი როდიდან გაგიჩნდა და რამ მოახდინა გავლენა?**

— თავისუფალ დროს, როცა ფილმებსა და სერიალებს ვუყურებდი, ყოველთვის ვფიქრობდი იმაზე, როგორ იქმნება თითოეული სცენა, რა ხდება კამერის უკან. გულწრფელად გითხრათ, პოპულარობაც მიზიდავდა და მსახიობის ცხოვრებაც... სასიამოვნოა, როცა ეკრანიდან გცნობენ და ამით ბედნიერდები. ხშირად წარმოვიდგენდი საკუთარ თავს სხვადასხვა როლებში, ალბათ ყველას ჰქონია ასეთი მომენტები.

— **თუმცა, პროექტებში მონაწილეობა მარტივი არ არის, რა გზა გაიარე სამისოდ?**

— პირველად გადაღებებში მონაწილეობის შანსი მაშინ გამიჩნდა, როცა მეგობარმა მასთან

ერთად მასიურ სცენაში გადაღება შემომთავაზა. კარგად გავეცანი კინოინდუსტრიის დეტალებს და ბევრი ახალი რამ აღმოვაჩინე. მივხვდი, რა რთულია პროდუქტის მაყურებელამდე მისვლის პროცესი. კამერის წინ თავი კომფორტულად ვიგრძენი, იმდენად მომეწონა, რომ მას შემდეგ მასიურ სცენებსა და რეკლამებში გადაღებებზე სულ ვფიქრობდი, უფრო ხშირად დავდიოდი და გამოცდილებას ვიძენდი. რეკლამების გარდა გადამიღეს ფილმების ეპიზოდურ როლებში, უმეტესობა უცხოენოვანია, თუმცა, გადაღებები თბილისში იყო. უფრო საბრძოლო, სათავგადასავლო ჟანრი მომწონს. ადრე თბილის-



ში აკადემიაში კასკადირობაც შევისწავლე.

— **უცხოური გადამღები ჯგუფები როგორ პოულობენ ქართველ მსახიობებს, როგორ კონტაქტობთ მათთან?..**

— როცა რამდენჯერმე გადაგიღებენ, მერე უკვე გაქვს კომუნიკაცია ამ სფეროში ჩართულ ადამიანებთან. ამას გარდა, ინტერნეტში არსებობს ჯგუფები, სადაც ვაკანსიები იდება და მითითებულია როლისა და მოთხოვნების შესახებ ინფორმაცია. სურათებს ვგზავნი და გარეგნობის, ან მახასიათებლების შესაბამისად მათთვის სასურველ კანდიდატებს უკავშირდებიან.

იყო არაბული ფილმის ერთი ეპიზოდიც, სადაც დაჭრილი ჯარისკა-

ცის როლი მაქვს. ემონაწილეობდი პოპულარულ ქართულ იუმორისტულ სერიალში „კეთილები“, სადაც ორი სერიამი გადამიღეს.

— **ახლახან გამოვიდა ებრაული სერიალი, სადაც შენც გამოჩნდი. გვიამბე, როგორ მოხვდი ამ როლზე?**

— ბოლო ხანს ყველაზე დასამახსოვრებელი იყო ებრაულ სერიალ Full Speed-ის ეპიზოდურ როლში მონაწილეობა. ეს არის სათავგადასავლო საორტული დრამა, რომელიც ებრაულ ტელეარხ Teen nick Israel-ის ეთერში გავიდა. ქასთინგ მენეჯერი დამიკავშირდა, ესპანელი ბაიკერის როლზე გავიარე შესარჩევი ტური, რამდენიმე დღის შემდეგ დამირეკეს და დამიბარეს. ჩემდა გასაოცრად, მარტივად მოვხვდი ამ ფილმში. გადაღებები პროფესიონალურ დონეზე მიმდინარეობდა. 4-5 დუბლის გადაღება დამჭირდა. ტექსტს ხშირად ვიმეორებდი, რომ არ დამეცინებოდა, მაგრამ ველავდი და რამდენჯერმე გადავიღეთ. სამი დღე გავგრძელა და დღეში 300 ლარს მიხდიდნენ. ორგანიზება, ტექნიკური გუნდი, რეჟისორთან მუშაობა, ეს ყველაფერი ძალიან საინტერესო იყო. ამ გადაღებების დროს კიდევ ერთხელ დავრწმუნდი, რამდენად მნიშვნელოვანია საკუთარი როლის მნიშვნელობის სწორად აღქმა. თუნდაც მსახიობს პატარა ტექსტი, ან ეპიზოდი ჰქონდეს, მაინც ბევრი უნდა იმუშაოს, რომ თუნდაც მოკლე მონაკვეთში ემოცია სწორად გამოხატოს. ეს დიდ ყურადღებას და პასუხისმგებლობას მოითხოვს. თითოეული ასეთი მომენტი მეხმარებოდა იმაში, რომ უკეთესად მესწავლა კადრში მოქცევა, კამერის აღქმა და პარტნიორობთან სინქრონი. ამ გადაღების დროს დავინახე, როგორ იკრება ერთი დიდი სურათი უამრავ პატარა დეტალთან ერთად და როგორ შეუძლია, იმ პატარა როლს გავლენა ჰქონდეს საბოლოო შედეგზე. გადაღებების უკან დიდი შრომა და უამრავი ადამიანის ძალისხმევაა. მინდა მომავალში კიდევ უფრო გავიღრმავო ცოდნა, უფრო სერიოზულად ჩავერთო კინო, ან ვიზუალური მედიის მიმართულებით. იმედია, ყველაფერი ჩემი გეგმების მიხედვით განვითარდება. დედა, ბებია და ჩემი მეგობრები მამხნევენ და ეს ჩემთვის მნიშვნელოვანია.

მჯერა, რომ საქართველოში კინოინდუსტრიის განვითარების დიდი პოტენციალი გვაქვს, როგორც ბუნებრივი ლოკაციებით, ისე ნიჭიერი ახალგაზრდებით, რომლებსაც სურთ, შექმნან ხარისხიანი კინო პროდუქცია. თუმცა, ჯერ კიდევ მრავალი გამოწვევაა: დაფინანსების სიმცირე, ტექნიკური ბაზის არაერთგვაროვნება და ნაკლებად სტაბილური გარემო მათთვის, ვინც კარიერის დაწყებას ამ სფეროში (ცდილობს. საჭიროა, ამ მხრივ შეიქმნას მეტი საგანმანათლებლო სივრცე, ჩატარდეს პროფესიული ტრენინგები, გაჩნდეს მეტი პრაქტიკული შანსი. ასევე მნიშვნელოვანია როგორც სახელმწიფო, ისე კერძო სექტორის აქტიური ჩართულობა, რათა კინონარმოება საქართველოში არ დარჩეს მხოლოდ ენთუზიაზმზე დამყარებულ სფეროდ და გადაიქცეს უფრო მეტად სტაბილურ, პროფესიულ და განვითარებად ინდუსტრიად...

ილია მარტყოფლიშვილი

ამინდი

ორშაბათი 12.05	სამშაბათი 13.05	ოთხშაბათი 14.05	ხუთშაბათი 15.05	პარასკევი 16.05	შაბათი 17.05	კვირა 18.05
დღე	ღამე	დღე	ღამე	დღე	ღამე	დღე
22°	12°	19°	12°	20°	10°	16°

გამომცემელი შპს „შინაპი“
დირექტორი **ივანე შიოლაშვილი**
რედაქტორი **ილია მარტყოფლიშვილი**

მოყვანილ ფაქტებსა და ციფრებზე პასუხს აგებს ავტორი.

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა); ხათუნა ბანაშვილი (კორექტორი); ნათელა პოსტაშვილი (ბუღალტერი); ნიკოლოზ ჯანაშვილი (ოფის-მენეჯერი); მზია ქანჭაძე (საქმის მწარმოებელი).
გაზეთი აიწყო და დაკაბადონდა „შინაპის“ კომპიუტერულ ბაზაზე.
ყოველკვირეული გამოცემა იბეჭდება შპს „ლაბ კოლორის“ სტამბაში.

რედაქციის მისამართი: ქალაქი დედოფლისწყარო, ფიროსმანის №18,
☎ 0 356 22 22-85;
„შინაპის“ ელ.ფოსტა: gazetishiraki@gmail.com
598 72-18-72 (დირექტორი)
593 275-275 (რედაქტორი)

რეგისტრირებულია დედოფლისწყაროს სასამართლოს მიერ, № 6014-468.
გაზეთის გამოწერა წელიწადში – 20 ლარი